

四庫全書

史部

欽定四庫全書

史部

淳熙三山志卷

三十八至
四十二

詳校官監察御史_臣沈孫璉

檢討_臣德生覆勘

總校官進士_臣朱鈐

校對官編修_臣吳裕德

謄錄監生_臣莊承簪

欽定四庫全書

淳熙三山志卷三十八

宋 梁克家 撰

寺觀類六

僧寺

羅源縣

六十一所慶厯舊記六十六所內十所有寺額曾師建記六十七所鍾世

明根括寬剎六十三所今州縣道觀一所外六十一所並有起置年代

靈應院梅溪里唐長慶土年置舊產錢七百七十一文

曾記七百

七十七文

神光院徐公里同年置舊產錢二百九十三文

信安院拜井里咸通元年置舊產錢一百四十一文

曾記

一百四

十文

觀音院安金里同年置背太白峯舊產錢二百六十九

文

曾記二百四十九文

安善院臨濟里三年置景德元年賜額舊產錢九百三

十七文

護國院徐公里六年置景福元年賜額慶厯初重建舊

座錢二貫六百六十七文

曾記二貫六百一十一文

龍興院羅平里十三年置舊座錢六百二十六文

曾記六百

二十一文

仙茆院徐公里乾符三年置以山為名舊座錢一貫九

百五十五文

曾記一貫九百五十文

報恩院新順里廣明元年置舊座錢一貫五百六十四

文

曾記一貫五百九十四文
縣申一貫五百七十四文

旃檀院黃重里同年置舊產錢二百九十四文

曾記三百九十

六文

白馬院招賢里中和二年置舊產錢一貫三百六十六

文

興王院梅溪里大順二年置舊產錢三貫九百八十四

文

曾記三貫九百一十三文

小雲峯院新順里同年置舊產錢二貫八百六十二文

資壽院安金里同年置舊產錢四百二十九文

慶田院同里乾寧元年置光化二年賜額舊產錢七百

三十文

曾記七
十三文

清泉院羅平里光化二年置舊產錢五百三十二文

崇勝院析豐里天復二年置舊產錢六百四十九文

大雲峯院黃重里同年置舊產錢三貫三百二十文

曾記

五貫三
百四文

南峯院霍同里同年置舊產錢五十五文

鳳山院同里梁開平元年置舊產錢二貫九百四十九

文

翠峯院徐公里乾化元年置舊產錢六百三十二文
光化院梅溪里二年置舊產錢三貫一百六十三文
崇壽院新豐里天成二年置有放生池舊產錢七百一
十六文

聖壽院羅平里三年置舊產錢三貫四百四十二文
資福院新豐里五年置舊產錢一貫七百六十九文
福興院臨濟里長興二年置舊產錢四百四十四文

龍華院徐公里同年置舊產錢三百八十一文

東林尼院臨濟里清泰二年置舊產錢二百五十三文

金粟院同里同年置舊產錢八百四十四文

龍際院拜井里同年置

或云寶勝元年

舊產錢一百三文

西雲院招賢里同年置舊產錢二百八十文

應德院新順里同年置

偽闕永和元年也

舊產錢六貫八十文

觀音院臨濟里晉天福六年置舊產錢五百七十二文

慈恩院梅溪里七年置舊產錢一貫九十文

靈山院同里開運二年置舊產錢九百五十四文

慈氏院徐公里周顯德二年置舊產錢一百八文

曾記一百

文一

集雲尼院安金里三年置舊產錢二百四十四文

曹山尼院黃重里同年置舊產錢一百八十八文

水陸院安金里四年置舊產錢四百六十二文

曾記四百四十

文二

明安院臨濟里六年置舊產錢一百三十三文

曾記一百二十

八丈縣申一
百二十三丈

淨明院梅溪里皇朝建隆元年置舊產錢二百八十丈

曾記二百
八十八丈

靈泉院臨濟里二年置舊產錢二百九十三丈

觀音院霍口里乾德三年置舊產錢六百四丈

四明院安金里同年置舊產錢五百九十四丈

報國院羅平里開寶元年置舊產錢四百一十丈

白塔院安金里二年置舊產錢二百三十丈

西峯院霍口里三年置舊產錢四百九十三文

白雲院安金里太平興國元年置舊產錢五百三十一

文

祥雲院臨濟里雍熙三年置舊產錢三百三十四文

泗洲院同里淳化三年置舊產錢四百三十文

洪福院羅平里咸平二年置舊產錢八百一十三文

香林尼院徐公里大中祥符二年置舊產錢二百二十

文

棲林尼院同里二年置舊產錢二百七十三文

靈巖院新順里四年置舊產錢三百六十六文

靈峯尼院臨濟里皇祐五年置舊產錢九十二文

薦福院新順里同年置舊產錢一百八文

普明院善化里嘉祐元年置舊產錢二百一十八文

翠巖院善化里二年置舊產錢六百九十四文

三學院招賢里治平元年置舊無產錢

泗洲菴安金里紹聖三年置舊產錢四文

仙巖院新順里元符二年置舊產錢七百九文

懷安縣

一百五十四所并在城十八所共一百七十三所變厯記一百八十六所

內十二所有寺額附郭一十一寺有起置年代曾師建記一百六十五所鍾世明根括寬刺一百七十二所州籍見管數同今縣申增一所除一十八所在城外一百十五所會到有起置年代四十所未詳

昇山靈巖寺州北懷賢里陳天嘉三年置舊號飛山世傳越王勾踐時自會稽一夕飛來鑑湖即其址也山有寺經始於天嘉三年以其西巖石間時聞鐘磬之

音故曰靈巖唐天寶中任敦輕舉於此乃號昇山

周朴

詩昇山往古道飛來此是神功不可猜氣色雖然離禹穴峯巒猶自接天台巖邊折樹泉衝落頂上浮雲日照開南望閩城塵世興元初僧雅操居之觀察使界千秋萬古卷塵埃

孟皞因請于朝為立額

舊記云皞始移今所乃任公上昇處

操嘗與談

經於此今寢堂榜曰紫雲其遺跡也

國初錢昱詩杉松法寺廊欄檻

倚高岡郡郭曉雲漠禪齋春草長澗青連竹色山靜帶茶香更有名僧在茅菴住上方則當時卜宇可知

矣任仙公臺

上昇處

祠堂

陶隱居登真注訣云玉溜山在海中亦鬢子謂之地肺肺

門晉太元中任敦自茅山往居之十餘年乃自玉溜來居此其後又往玉笥山後復來居於王霸壇得金

版仙訣丹成上界因號昇山今臺及洗藥池存運使
石齋詩衰年脚手倦躋攀今日凭高一解顏驅得江
山來目下化將樓殿出雲間真人煉藥仙都近釋子
焚香佛界閒塵事數來寧易得后歌須盡夕陽還程
守師孟詩行處松蘿深似幄望中城郭細如棋清泉
可惜藏巖下不作先生洗藥池陳先生襄詩雲中直
有三清路塵外都如一局碁聞欲引泉添洗藥未應
奪我鳳凰池通判陳鑄詩任公何代此昇仙萬似仙
臺倚翠巔石徑層層封綠蘚松蘿步步拂青煙海中
島嶼分諸國野外雲霞萃一川賢守來秋縱登賞不
妨吟到
夕陽天
舊產錢六貫三百四十七文

石泉院州北觀風里越王山之北石壁峭直泉出其下
元和中僧紹先表請建院於泉側勅號石泉舊產錢

二貫七十六文

芙蓉院稷下里山如芙蓉大和七年僧僧訓叔咸通八年以咸通延慶禪院為額皇朝改太平興國禪院

芙蓉洞

洞口可大許縈紆十餘里遊人篝燈束炬以往巖石互鎖乍隘乍廓紺乳時滴陰氣逼人

火色青閃五里至開山堂坐可百人有石牀石鼓石盆過此益凜凜故莫窮其源

舊產錢一

十二貫七文

九峯院興城里以山峭拔若筆格名與芙蓉壽山號曰三山大中二年僧僧賢創咸通二年號九峯鎮國禪

院柳公權書大順元年賜僧慈惠禪師并紫衣舊產錢一

十貫五十一文

曾記九貫三百文

清流院接下里三年置舊產錢一貫七百六十三文

洪福院欽德里同年置舊產錢九百九十文

曾記九百八十二文

翠林院高遷里同年置舊產錢二貫三十四文

曾記二貫二百

三十
四文

鷲峯院長壽里八年置舊產錢三百九十九文

南山院恭順里十年置舊產錢三貫八百四十二文

東林院興城里咸通三年置舊產錢二貫二十文

吉祥院高陽里六年置舊產錢三百六十六文

幽居院施化里廣明元年置舊產錢二貫一百二十六

文

廣明鬱林院德風里同年置舊產錢一貫八百四十二

文

曾記一貫七百四十二文

清涼院施化里光啓元年置舊產錢三貫四百五文

縣申

三貫四

百文

壽山廣應院稷下里三年置開山僧號妙覺龍紀元年

改今額

壽山石

潔淨如玉大者可一二尺許潤而易攻益珉類五花石坑相距十數

里紅者採者細者紫者惟父綠者難得正若登山視罅鑿之僅容身乃側肩入盡梯而後見或竟不值終

莫窮取今益深遠矣

舊產錢一十二貫九百四文

蓮華院寧碁里大順二年置有銅鑄閩王像一軀

相傳三鑄

而後成

舊產錢五貫八十五文

曾記五貫七十五文

金峯院越城里三年置舊產錢一百三文

安國寺忠信里始曰龍邱會昌例廢乾寧二年忠懿王

復之光化初僧師備自雪峯來居焉館徒常千人高

麗日本諸僧亦有至者

師備閩縣江南人也號宗一禪師長興元年閩王延鈞所

立碑文節度副使延稟捨石刻今存

晉開運中淮兵入寇蹂為荒墟皇

朝祥符四年仍故址新之

臥龍山

石刻三字程公師孟詩聞說林

泉便訪尋平田一選上孤岑榕陰落處宜千客荔子生時直萬金盡放遲回官舍近不妨閒坐石門深四邊稻熟正租了稍愜儂家出郭心時陳先生襄劉先生與湛郎中俞同遊各有和詩舊記云陳寶應時此山有巨石箋經臺祥符四年僧可度即院之北臺箋無故自移楞嚴經景祐四年夏英公疎記其事

愛亭

元公絳詩朱韞何事獨來頻不為溪山只放為民最愛年年禾稻熟時豐自有壤歌人

生池舊產錢一十三貫五百一十三文

曾記一十二貫九百六十

一文

小資福院興城里同年置舊產錢六十五文

曾記六十三文

五臺院同里光化三年置舊產錢五十二文

興國院施化里天復二年置舊產錢二百九十四文

曾記

二百六

十文

廣平院同里

縣申焦溪屯

天祐四年置舊產錢一貫八百五

十二文

賢沙寺懷賢里昇山之下梁開平元年置本安國宗一

禪師塔院也

宗一碑云開平二年十二月靈龕歸于懷賢里飛山之原即此謝三郎者閩縣

人釣魚江上年三十投釣翻舟入芙蓉山為頭陀行後居焉

晉開運三年淮兵寇

閩焚掠幾盡皇朝天禧二年僧戒珠始葺而新之紹

興三十一年朱丞相倬奏請為功德院勅賜教忠崇

報為額

飛來山

在寺前寺門有飛山二字劉提刑嶠書按察使安植詩昇山遊罷到

賢沙松檜陰中一境賒自愧簪纓趨仕路翻憐泉石屬僧家尋窮越國真仙跡見盡閩封好物華幸接憑熊擁千騎紅旌歸去照殘霞太守葉棣詩亂山深處款禪扃十里松陰步障行翠竹黃花幾開發南星北

斗自高明樓臺日轉天邊影鐘磬風回地靜遊亭崖底聲為問闌江船釣客謝家誰更未知名

百步有運使龐公籍留題長篇後劉待制薊詩云題詩人已貴袞路冠三台程公師孟詩石磴高軒榜靜

遊度年紅葉少驚秋使君會熙春臺亭之西不溢泉東

十鬼磨石 仙昇崖 朶芝巖 息龜池 寒巖

覽秀亭 小隱舊產錢六貫四百五十七文

白泉院長壽里二年置舊產錢五百五十九文

隱峯院施化里同年置舊產錢一貫四百一十九文曾記

一貫八百四十一文
申一貫四百四十九文

資聖院稷下里四年置舊產錢五百八十六文

曾記五百六十

文

嵩山院江陽里乾化元年置舊產錢一貫五百三十九

文

偃峯院太平里二年置舊產錢七十六文

瀑布院稷下里同年置舊產錢二百六十四文

保安淨居萬定尼院太平里三年置偽閩齊國夫人孟

氏建冊禮副使翁承賢記舊產錢八百四十九文

曾記

八百五

十一文

靈峯院興城里後唐同光三年置舊產錢五百七十八

文

香燈資福崇壽院太平里同年置閩王以國夫人瑩郭
之西因置是寺顯德四年加今額命以高祖母齊國
夫人墳西所種雜果充祭薦舊無產錢

太平山地藏院同里四年置舊產錢一百一十文

泗洲院恭順里天成元年置舊產錢二貫八文

翠微院興城里同年置至和三年重建舊產錢二貫二

百二十三文

香溪石峯院德風里同年置舊名崇壽乾寧二年改今
額舊產錢一貫二百四十七文

林賜院

曾記作林
洋瑞峯

遵化里長興二年置舊產錢三貫七

百二十三文

縣申二貫七
百二十三文

靈溪尼院高陽里同年置舊產錢一貫二百六十六文

曾記

一貫二百六十六文縣申
一貫一百六十六文

白龍院太平里晉元福元年置舊產錢四百二十二文

曾記二百

二十二文

大林洋院施化里同年置

通文元年

舊產錢二貫五百五十

文

曾記二貫五百五十五文

資國院溫泉里三年置舊產錢八百九十七文

瑞雲院施化里同年置舊產錢七百八十六文

曾記八百八十

六文

祥雲院同里四年置舊產錢一貫八百四十五文

曾記一貫

八百四

十一文

保壽院長壽里六年置

永隆三年

舊產錢一貫三百九十六

文

興善院恭順里八年置舊產錢四百六十三文

靈峯院稷下里九年置舊產錢九百九十一文

鳳池寺懷賢里漢乾祐元年置本僧慧覺塔亭也初忠

懿王易昇山僧田為尚賢夫人藏室尋以施塔所二

年正月始為禪院賜號鳳池報慈皇朝紹興八年以

為顏門下岐焚修之場改顯忠嗣慶為額 鳳池山

按十國紀年閩王堃夫人任氏于閩縣鳳池山後忠
懿薨亦塋焉又案乾祐賜額則鳳池名山久矣太平
興國二年始分閩九鄉置懷安元公絳詩州人未識
鳳池山朱轍時來此住還四坐杯盤在天上滿軒雲
雨落人間千圍老木排旌蓋百尺飛泉響珮環誰為
霜綃圖景象翠微高處一開顏後守業公棣詩云聞
說治平元太守慙慙晚到鳳凰池溫公益詩云少年
曾接元公論屢話南閩佛刹奇蓋山見於圖經前此
未顯元公始披 水簾 溫公詩竹生石上瓊瑤碧泉落
荆榛而大之 簾 簾 溫公詩竹生石上瓊瑤碧泉落
泉成雨露根盤 擢秀亭 提刑喻陟名仍隸書顏亦翠
喬木列旌麾 有詩謝守卿材倅幕皆和 翠
微亭 建炎二年新進士始題名于此 覽輝亭 舊鳳
池軒 華藏

魯侯堂後以其隘遂移于此

閣政和五年承事郎陳確為記云罪竄之餘世念衰敗惟致一內典而已時了翁在丹丘方蒙恩自便

舊產錢一貫七百二十一文曾記一貫七百一十五文

棲隱院高陽里三年置舊產錢九百六十五文

保福院太平里周廣德二年置舊產錢二貫四百文

龍興院安定里顯德元年號仙宗後改今額舊產錢一

貫二百八十八文

雲居院待賓里三年置舊產錢一十二文曾記一十一文

法雲院靈運里同年置舊產錢二百四文曾記一百三十四文

寶勝院比平里皇朝建隆二年置舊產錢四百八十七

文

曾記四百八十三文
縣申四百一十七文

閩山院太平里乾德四年置舊產錢二貫一百二十五

文

縣申一貫一
百二十五文

彌陀院楊崎里開寶二年置舊產錢九百七十三文

普明院懷賢里三年置舊產錢三百三十三文

曾記三
百三十

文

興福院遵化里四年置舊產錢一貫二百三文

普濟院勝平里同年置舊產錢七十七文

興慶院忠信里七年置舊產錢六百二十二文

華嚴院觀風里同年置舊產錢三百三十九文

樂師院越城里八年置舊產錢二百六十五文

資聖院欽德里九年置舊產錢三百一十七文

曾記三百四十

文

普聞院懷賢里太平興國二年置舊產錢三百六十一

文

崇福院越城里同年置舊產錢一百七十文

三峯院興城里三年置舊產錢一貫六百六十六文

宴雲院德風里同年置舊產錢七百一文

雲林院同里同年置舊產錢一貫五百二十三文

慈雲院施化里七年置舊產錢二百一十二文

曾記二百一十

七文

奉慈院同里同年置舊產錢八百一十文

曾記八百七文

仰山院德風里雍熙四年置舊產錢一百一十八文

報恩尼院超勝里同年置舊產錢一貫五百一十五文

曾記一貫五

百一十三文

大仙宗院懷賢里同年置舊產錢二貫四百三十二文

白雲院江陽里端拱元年置舊產錢三百五十八文

西臺院

曾記縣中並作西室

崇江里淳化五年置王太師墓墩為

基舊產錢一百文

報恩院寧棊里大中祥符八年置舊產錢一貫二百四

十三文

重林院待賓里天禧元年置舊產錢一貫二百六十六

文

鷺峯院施化里天聖二年置舊產錢二貫五百九十文

仙宗塔院忠信里七年置舊產錢一貫一百五文

西峯院太平里寶元元年置舊產錢八百二十二文

馬鞍山地藏院太平里二年置舊產錢八十八文

曾記
二十

八文縣申
八十六文

龍安院清善里慶歷元年置舊產錢三百四十二文

興聖院太平里三年置舊產錢四百四十七文

曾記一
貫九十

文七

靈源院同里五年置舊產錢五百七十七文

鹽山院寧基里八年置舊產錢一百三十八文

慶雲院超勝里先是閩王舍花園為之後廢皇祐元年

復置舊產錢一貫二十四文

南塔院忠信里同年置舊產錢二百九十二文

曾記四
百九十

文一

薦福院江陽里二年置舊產錢四百六十文

秀峯院忠信里四年置舊產錢七百九十二文

萬安院施化里嘉祐元年置舊產錢一貫一百二十七

文

觀音尼院忠信里二年置舊產錢三百八十二文

縣中一百

八十
二文

螺峯院太平里同年置舊產錢四百五十五文

曾記一
貫一百

三十
五文

彌勒院崇福里三年置舊產錢八十文

曾記一百八文

資聖院懷賢里熙寧三年置舊產錢二百八十九文

三明院勝平里六年置舊產錢二百八十文

長生院施化里元豐三年置舊產錢一貫四百八十三

文

大慈院忠信里三年置舊產錢五百三十二文

曾記五百二十

文一

建興院黃信里四年置舊產錢一貫二百四十八文

曾記

一貫九
十三文

般若院崇江里六年置舊產錢五百一十五文

羅漢院稷下里七年置舊產錢四百四十二文

曾記四百二十

二
文

雲際院同里同年置舊產錢三百五十一文

曾記三百五十七文

丁山院興城里元祐二年置舊產錢六十二文

曾記一百二十

文

報先院欽德里五年置舊產錢七十五文

祥山尼院崇福里八年置舊產錢二百三十六文

曾記一百

三十
五文

釋迦尼院太平里同年置舊產錢八十二文

保安院長壽里紹聖二年置舊產錢二百五十四文

保福院遵化里三年置舊產錢三百一十五文

菩提院欽德里元符二年置舊產錢二百四十六文

資福尼院孝悌里崇寧二年置舊產錢三百三文

曇山尼院北平里五年置舊產錢二百二十八文

鹿苑院欽德里同年置舊產錢八十一文

瑞雲院興城里政和二年置舊產錢四百一十五文

崇福院稷下里六年置舊產錢一貫五百六文

曾記五百五文

靈光寺清平里建炎四年重修有鳳凰亭舊產錢一貫

二十二文

崇林尼院長壽里紹興二十年置舊產錢二百六十三

文

曾記二百五十有奇

資福院遵化里舊產錢二貫四百五十五文

曾記二貫四百六十

四
丈

靈峯院同里舊產錢二百七十八文

資國院欽德里舊產錢二貫三百八十五文

興福院興城里舊產錢一貫三百四十文

崇福院同里焦溪屯舊產錢六百六十四文

報恩尼院同里舊產錢三百九十一文

翠雲院同里舊產錢一百三十一文

保福院同里舊產錢一百一十一文

靈石尼院同里舊產錢九十二文

觀寂院欽德里舊產錢三百六十文

建瑞院恭順里舊產錢一百八十二文

新興院高遷里舊產錢五文

觀音院順安里舊產錢九百三十文

資福院太平里舊產錢六百九十七文

北天王院同里舊產錢二百六十四文

曾記作保聖天
王二百四文

新興尼院同里舊產錢八十文

報先院北平里舊產錢六百四十四文
泗洲院稷下里舊產錢五百九十五文
前觀音院同里舊產錢五百七十二文
後觀音院同里舊產錢四百五十五文

五雲院同里舊產錢三百五十二文

秀峯院同里舊產錢二百七十四文

資福院同里舊產錢二百一十六文

中興院同里舊產錢一百六十一文

慈峯院越城里舊產錢四百二十三文

大善院長壽里舊產錢三百九十一文

西峯院溫泉里舊產錢一百二十五文

慶安院高遷里舊產錢三百九十一文

鳳山院忠信里舊產錢一百一十三文

香林尼院江陽里舊產錢一百七十五文

曾記一百一十五文縣申

二百九

十九文

淨安院德風里舊產錢一百五十六文

西靈院江陽里舊產錢八十六文

西林尼院同里舊產錢六文

麁山院觀風里舊產錢一百四十三文

林殆庶記
五代時創

白蓮院寧基里舊產錢一百九文

觀音院崇福里舊無產錢

石泉院楊崎里舊產錢九十二文

寶峯院懷安里舊產錢八十八文

曾記八
十九文

泗洲院西安里舊產錢八十三文

以上
州籍

香燈地藏院楊崎里舊產無

縣申新產十四文已上
田十所未會起置子粒

道觀

山附

山川勝槩神仙之所棲宅餐霞飲水與世迴隔故耳目
不至者率常以為荒誕吾州東郭外榴洞南山間甘果
與城東南突兀號九仙者此固杳漠亡所追據至昇山
怡山福山霍童高蓋洞宮石竹則悉有遺跡可驗自後
漢徐登吳董奉梁王霸林玄光唐法權法羣皆家世吾
郡踵相繼見記傳者巖岫深秀泉石清古是以任敦又

自臨梅鄧伯元自吳郡王玄甫自沛國楮伯玉自鹽官
咸不遠數千里而至學成名著後人間即其地慕求之
於是有道觀焉惟道家以清淨求不死為術彼安分委
命來鄉者寡矣非若釋氏以死後禍福恐動驚怖故寺
院無數而道觀至今纔有其九自非時代好尚祠宮齋
宇亦庠隘亡足言者唐祖混元帝始廣所建皇朝祥符
間奉天書崇觀後尊道學故於近郡興置特偉今天慶
光孝觀紫極宮是也其首冠他所以朝謁或焚修與祈

禳之地故靈跡古怪又非六者所能盡云

閩縣天慶觀州東七里皇朝大中祥符六年置先是後

唐長興中閩王建東華宮

時王璘方信道士陳守元既建寶皇宮又建東華宮

大中祥符元年詔以正月三日天書降為天慶節二

年令天下建天慶觀五年聖祖降復令建殿是歲正

月州乃以東華宮為之

時張鄧公為廣東轉運使會詔建觀因請即舊為之以紆

天下土木之勞十一月建殿崇奉聖祖

八年即簡為記云元正三日改元天禧特

立令節廣建靈宮簡自帝心咸稱天慶然後東封岱宗西祀睢上致神人叶夢語揚天意乃設位延恩端

圭清夜祥雲飄然以紛郁聖祖修禱而來格仙官肅
侍列位惟六皇帝欽承明訓撫育黎庶復詔列藩嚴
祠立像益尊尊而敦孝也六年春勅賜為天慶觀旁
倚翠嶽雅為逍遙之墟杳隔紅塵宛是清淨之與云

云歲時長吏率官屬朝謁有金寶牌

大中有祥符六年有進燒金法以

鐵為之凡百餘兩為一餅每餅幅解為八片謂之鴉
背金真宗令上方鑄為金牌數百天禧元年王清昭
應宮成遂頒天尊萬壽金
寶牌鎮天下名山福地
舊產錢二貫九百七十九

文

閩縣報恩光孝觀崇寧三年建先是二年十月詔天下
建崇寧觀或謂州南東西兩山左弱右彊乃建觀九

仙山之巔號天寧萬壽樓閣歸然遂與烏石相峙為
一州之勝紹興七年改為報恩光孝觀十三年改廣

為光

九仙山

本名于山高一百十五步周回三百
一步相傳何氏兄弟九人仙於此因

號九仙山古閩中記云其山越
王無諸九日燕此亦號九日山

四微亭

在山上舊名
九仙唐元和

中元錫造慶歷中沈邈修更名蔡公襄有登四微亭
詩偶爾尋幽上翠微遊人啼鳥似前期花間行印露
沾紙山下放衙雲滿旗艷艷舞衣朝日處飄飄商櫓
落潮時傳杯止與乘春醉身世悠然兩自遺後建觀
亭始政和萬壽道藏政和四年黃尚書蒙奏請建飛
天法藏藏天下道書五百四十
函賜今名以鏤板進于京淳熙二
年今以所藏經文送于行在所

聖上萬壽二樓左

玉虛右金名

殿前政和五年黃尚書裳建自為記

九天採訪應元保運

真君閣

殿南政和六年黃尚書裳建自為記

舊產錢九百九十七文

候官紫極宮聚英坊之北唐天寶元年田同秀言老子

降于丹鳳門以錫靈符因置混元皇帝廟二年改廟

為宮三年以在京為太清宮東宮為太微宮諸州為

紫極宮今梁題云昭宗乾寧五年九月二日蓋再建

也偽閩錄云光化三年創舊產錢一貫三百三文

寧德鶴林宮縣北七十里梁大通二年置霍童山下即

洞天記所謂霍林洞天是也其峯最高者曰大童次
曰小童二童之旁一峯如香爐曰金剛源唐貞觀六
年為第六洞天武后時司馬煉師於此修煉後駕鶴
昇天道士王玄甫等以聞遂賜額號鶴林天寶六年
改曰仙遊山貞元中鍾臺危側忽一夕風雨震電鄉
人聞鐘聲謂傾圮矣遲明視之則端然無恙後嘗為
支提解院尋復為觀

霍童山

高約七里頂平可坐
百人昔吳郡人鄧元

監官人指伯玉沛國王玄甫於此授青精飯食白霞
丹景之法見五藏經中能書僧法權法羣及其童子

亦于此得道上有泉名甘露服之延年有石行廊三十餘步石室頗深廣石橋橫跨半空有石白石盆石盂皆天成石壇旁生竹一枝遇風則能自掃壇上西北有玉鏡碧色鵲尾香爐在焉桃花洲合林一里唐初始有此洲今轉午日巖巖高數百丈瀑高丈桃木日盛故以名洲布直下程公端午日嘗採藥於此故名舊產錢二百三十文

羅源洞宮天慶觀縣北六里唐天寶七年五月十三日始建朱梁時王氏尚佛遂廢皇朝建隆元年邑人林瑞復創殿一間大中祥符二年詔置天慶觀縣令和惲挂額於殿門有叟余成請大建堂宇至天聖七年

乃備

有餘成自為記今存

政和八年以觀徐真人舊宅歲久頽

損其隣仙茆寺久據其地可併歸之

洞宮山

高三百八

十步原出建州武夷山真誥云洞宮山七十二福地此其一也邛有神姥石舊記云昔有神姥來自羅源所踐之迹仙茆山去洞宮四里徐真人煉茆根八仙入於盤石之所後於永福高蓋山上昇

亭

開成中創

舊產錢七十六文

曾記三十六文

候官冲虛宮西禪寺之南梁王霸父增自齊朝渡江入

閩今西禪其宅也善黃老術霸幼好之每登怡山經

宿乃返年三十遊武夷山十六年還舊居乃於山南

鑿井有白龜吐泉煉藥既成點瓦為金是歲閩中斗米千錢乃鬻金運米以濟貧民後以所餘藥服之旬

日如醉忽於所居皂筵木下蟬蛻而去

林嵩記云梁時三月三日

也周朴詩云王君上昇處信首故居前皂筵即須朽白龜應亦全雲間猶一日洞裏已千年碧色壇如黛

今時誰可仙

唐貞元中觀察使李若初嘗登樓西望有五

色雲當其宅遂以為冲虛宮塑任敦董奉徐登及霸

像為四仙祠偽閩王延翰重創其木與壇井今存

林嵩

為記云壇竈基址猶存井有白龜時或游泳水能祛疾初王霸云壇壞不用修木枯不用伐皂木不結子

結子人得道西南白龜井吾乘之去來龜歸吾亦歸
慶歷中皂莢再生王守達詩修煉曾君些傳聞固異
常壇留皂莢樹人去白雲鄉龜向胎中息神藏肘後
方遶東鶴未返華表夜蒼蒼林安道白龜井詩古贊
十齡在寒泉味最醇皂莢木詩海外蟠桃同永久月
中丹桂共參差紹興中皂莢復生然未見其異也惟
靜號真君濟貧金猶有之舊陳植詩鼎邊雞犬知何
在雲外龍鸞去已賒惟有黃金如瓦礫貧民時復得
些些今每風雨後數里間耕者或得遺金
紫磨色半瓦印文宛然重不過三四銖

景真堂

東軒

孫達吉吳
拭有詩

舊產錢三貫五百五十九文

曾記三
貫六百

丈

福清福真觀在海口鎮元祐七年道士林知源叛政和

八年賜今額殿西隅有丹井飲之愈疾側有宣聖廟
號丹井書堂舊無產錢

福清靈寶觀縣南一里者有林真君玄光於石竹山煉

丹

丹成騎虎上昇今有虎巖溪
右有井旱不涸或曰煉丹水

後為觀紹聖二年移

於水南玉融山之陰宣和三年為靈寶道院

曹績
書額

乾

道九年史丞相浩重修舊產錢二百二十九文

長樂佑聖堂舊有之紹興初縣令題今額招道士住持
遂著州籍其邑人自言大中祥符六年既改東華宮

為觀始以上相青童君香火於今所蓋造奉安宣和
間知神霄宮劉靜一增創殿宇

淳熙七年邑人有請
欲以舊東華廣德宮

額於此
張掛

舊無產錢

淳熙三山志卷三十八

欽定四庫全書

淳熙三山志卷三十九

宋 梁克家 撰

土俗類一

土貢

州距京師四千五百里遠矣然得天之氣和平而無盭
燠不為瘴寒不至沍得地之形由建劍溪湍而下泉莆
潮漲而上適至是而平民生其間故其性紆緩而能強

力善治可以久安真樂土也產懼薄以勤羨用喜得以
實華其君子外魯內文而小民謹事畏法市廛阡陌之
間女作登于男四民皆溢雖樂歲無狼戾能執技以上
遊四方者亦各植其身豐年治世氣象間暇習尚可視

齊魯聖朝軫念遐服厥貢土物舊不逾三四

在唐貢蕉布海蛤文

扇茶橄欖見唐志粉薑紅薑薑鮮鞍橋朴白藤箱等見
慶歷記及元豐九域志國初以來厥貢蕉布乾荔枝之
屬而歸化之始猶命以係省錢給且禁分配屬縣仁聖
已

節儉又以其非急困民罷之德澤隆洽冠帶衣履可不

識所自也具于左方

荔支乾大中祥符二年歲貢六萬顆元豐四年增減價
本錢一百七十二緡有奇歲以銀輸左藏庫三年條
次貢物如祥符之數元祐元年定為常貢數亦如之
崇寧四年增一萬三千顆大觀元年又增三千政和
增貢一萬宣和于祥符數外進八萬三千四百七年
損抑貢物減政和之半建炎三年罷

荔支煎大中祥符二年定額一百三十瓶丁香荔支煎

三十瓶元豐三年條次貢物如祥符之數元祐元年名為常貢崇寧四年定歲貢亦如之建炎三年罷

圓荔支崇寧四年定歲貢一十萬顆大觀元年增一萬宣和中增十萬六百顆七年減政和歲貢之半建炎三年罷

生荔支紹興初始貢至二十四年因罷貢温州柑亦令

不得供進

宣和間以小株結實者置瓦甌中杭海至關下移植宣和殿錫二府宴賜御詩云密

移造化出閩山禁御新栽荔子丹山液乍凝仙人掌露絳苞初降水精丸酒酣國艷非朱粉風泛天香轉蔥

蘭何必紅塵飛一騎芬芬數本座中看時余大
宰深詩有賜比西山藥一九之句上稱賞之

紅蕉花布大中祥符二年以二百四為額天聖六年令
其半淺色餘仍舊元豐三年條次貢物于元額外增
貢二十四元祐元年定以為常貢深淺二色如天聖
之數紹興五年因福清觀音尼院陳請住罷

乾薑天聖元年以州產乾薑歲運十萬斤如溫州例熙
寧四年或議地遠薑亦非溫比令漕司以價錢市銀
上京元祐元年定為錢一千一百六十八貫足歲以

銀輸左藏庫

沙魚崇寧四年定歲貢三十觔大觀元年增貢三十觔

建炎三年罷

鹿角菜崇寧四年定歲貢二十觔宣和七年罷

紫菜崇寧四年定歲貢二十觔宣和七年罷

蕉乾崇寧四年定歲貢三百觔建炎三年罷

戒諭

州自聖朝風化之厚人知敦尚本業上下相守氣習朴

鈍益渾然易治也有如疾溺于巫喪溺于佛婚溺于財
與夫僧胥之情偽獄市之煩擾下至遐鄉僻邑牙儈船
戶及蓄蠱之家所以傷害人者自慶厯嘉祐元符以來
積勸長吏誨敕裁革其見于碑刻榜諭者今並存之庶
觀風宣化儻猶有遺習可舉而行也

勸用醫

慶厯六年十二月蔡正言襄知州日作太平聖惠方後序親書于碑其畧曰太宗皇帝一平宇

內集古今名方與藥石診視之法勅國醫詮次類分百卷號曰太平聖惠方詔頒州郡傳于吏民州郡承之大率嚴管鑰謹曝晾而已吏民莫得與其利焉閩俗左醫右巫疾家依巫索祟而過醫門卜纔二三故

醫之傳益少余治州之明年議錄舊所賜書以示于衆郡人何希彭者通方伎之學凡聖惠方有異域藥性難致之物若食金石草木得不死之篇一皆置之酌其便于民用者得方六千九十六希彭謹應自守為鄉閭所信因取其本謄載于板列牙門之左右所以尊聖主無窮之澤人曉人以亟祝之謬使之歸經常之道亦刺史之一職也今其碑在府衙宅堂右希彭家今太平公輔坊有墨寶軒藏蔡公真蹟治平圖榜聖惠方虎節門內

五戒

蔡正言襄州日作一曰觀今之俗為父母者視已之子猶有厚薄迨至娶婦多令異食貧者困于日給其勢不得不然富者亦何為之蓋父母之心不能均于諸子以至此不可不戒二曰人子之孝本于養親以順其志死生不違于禮是孝誠之至也觀今之俗貧富之家多是父母異財兄弟分養乃至織悉

無有不校及其亡也破產賣宅以為酒肴設勞親知與浮圖以求冥福原其為心不在于親將以誇勝于是人是不知為孝之本生則盡養死不妄費理之豈不善乎三曰兄弟之愛出于天性少小相從其心惟忻豈有間哉迨因娶婦或至臨財憎惡一聞即成怨隙至有興訴訟有刑獄至死而不息者殊可哀也蓋由聽婦言貪財利絕同胞之恩友愛之情遂及于此四曰娶婦欲以傳嗣豈為財也觀今之俗娶妻不顧門戶直求資財未有婚姻之家不為怨怒原其由益婚禮之夕廣靡費已而校囊索朝索其一幕索其二姑辱其婦夫虐其妻求之不已若不满意至有割男女之愛輒相棄背習俗日久不以為怪此生民之大弊也五曰凡人情莫不欲富至于農人百工商賈之家莫不晝夜營度以求其利然農人兼并商賈欺謾大率刻剝貧民罔昧神理譬如百蟲聚居强者食啗曾不暫息求而得之廣為施與冀滅罪惡其愚甚矣今

欲為福孰若減刻剝之心以寬貧民去欺誣之行以畏神理為子孫之計則亦久遠居鄉黨之間則為良民其義至明不可不思今見公文集

戒山頭齋會

蔡密學襄莊任日作云使州體問自來風俗被喪之家言有靡用破賣產業置辦酒

食齋筵名為孝行至有亡歿之人舉家不敢哭臨先將田屋出帳典賣得人就頭商量打了定錢方敢舉殮外拘人情中抑哀毀是不孝之人也出殯之夕鄰里識與不識盡來弔問恣食酒肉包携歸家至使喪家費用無極其于人情鄰里當有贈遺以資喪家慰弔之祭豈可恣食酒肉以為宴樂是無禮之人也山頭齋筵僧俗之中本非知識齋食不足每人散錢二百文如有少闕便即忿怒送墓之禮雖出于古豈有本無哀情只趣齋食喪家竭力不給所求此與乞丐何異是死恥也人世若不斷絕民間轉見不易禮義

之欲安之日遠右仰喪塋之家喪夜宿客不得置酒
譙樂山頭不得廣置齋筵聚會并分散錢物以充齋
價如有輒敢罪在家長并城外僧院不得與人辦置
山頭齋及功虞侯耆長常切覺察其碑立于虎節門
下

教民十六事

嘉祐二年十月鄉老于翰等請紀密學蔡
公教民十六事立碑于虎節門下一應

有無圖輩欺誑是知州親知于州縣打築關節乞取
財物許人告 二市買賣物虧減價例及不畫時還
錢仰行人陳告 三行人于諸官廳榷當廚庫公人
及市買等處每月若有行用錢物罪在行人 四巡
攔告稅不得擅入人家搜檢稅物須申州取候指揮
五市行見行銅錢如有夾雜砂鐵新錢許人告
六銀行輒造次銀出賣許人告捉 七人戶居停賭
錢本罪科斷外必定拆屋給官 八僧人不得止宿

俗家婦人不得聽講及非時入僧院 九諸官除依
條本廳并專轄尖處科決外不得擅行科罰 十巡
檢使臣非承使州旨揮不得帶甲領兵投圍人家檢
索違禁物色若窩藏強劫并殺人賊明有蹤跡許收
捉 十一諸縣擅行科配修造及諸色鄉人飲掠人
戶錢物入已仰人陳理 十二在州坊虞候所由并
外縣公人所受情弊放散公事不送州縣許人告
十三推司當直司并外縣公人因勘公事廣有所受
許人因事報覆 十四諸坊只得官本地內爭關火
燭姦盜賭錢殺牛公事 十五在城裏外喪葬之家
喪夜不得置酒肉燕樂以虧孝道山頭不得廣置齋
筵違者罪在家長 十六士庶家不肖子弟盜賣家
產并轉肩出利買客人貨賣賤賣
如本人無錢勒牙保人賣業填還

戒生口牙

元符二年三月溫朝請益知州日作聞建劍
兩州邵武軍客人多足到來福州管下使用

錢貨討會生口牙人或無圖輩巧設計倖或以些小錢物多端弄賺人家婦女并使女稱要婦為妻或養為子因而誘引出偏僻人家停藏經日後便帶往逐處展轉販賣深覓厚利致被誘之家經官訴訟官司雖捕逐根尋倖不見誘者遂使父母夫婦永不相見其或誘人亦不知存否何在是情理切害急宜懲禁因勅條立碑曉諭責五人為保有工者保休條追賞外每獲一名更于知情引領牙保藏匿人名下理錢二十貫充賞其鄰甲廟耆一例重行斷遣其碑立于威武軍門之左

戒船戶

元符二年三月溫朝請益知州日據左院勘到船戶林屨為有候官縣白斛村住人謝周喜子往南劍看悒女子回顧林屨船般載逐人還家林屨過夜時將謝周喜子三人于三江口偏僻水中搵殺逐人捕獲根勘並該凌遲處斬因聞諸縣多有船載客旅至偏僻灘障處嚇取財物及伺姦便殺併人命

逐帖十二縣應有載客船各以自來泊船相近者給
甲遞相保委仍立定雇船價例不得例外邇來錢物
有犯者除追賞外嚴行斷違其碑立
于左院前碑亭及南臺臨津館門外

禁蓄蠱

慶歷七年蔡正言襄為閩漕日禁絕甚嚴凡破
數百家自後稍息八年仁宗聞福建奏獄多以

蠱毒殺人者福州醫工林士元能以藥下遂詔錄其
方又令太醫集法方之善治蠱毒者為一編命參知
政事杜履為序頒之嘉祐六年范兵部師道乃牒諸
縣各以其方雕板揭于縣門今碑猶存云准知府兵
部牒嘉祐六年十一月立碑應中蠱毒不拘年代遠
近先煮雞子一枚將銀釵一隻將右熟雞子內口含
之約一飯久取出釵及雞子俱黑色是中毒也可用
下方五倍子三兩木香丁香各一十文甘草三寸一
半炮出火毒一半生用糯米二十粒麝粉三分硫黃
末一錢重麝香一十文右八味入小沙瓶內用水十

分同煎七分候藥面上生皺皮是藥熟用絹搗去滓
取七分小碗通口服須平旦仰卧令頭高其藥須三
度上來闔心即不得動如吐出用桶盛如魚脬類乃
是惡物吐後用茶一盞止如瀉亦不妨瀉後用白粥
補忌生冷油膩鮮醬十日後服後藥解毒丸三二九
補之更服和氣湯散十餘日平復解毒圓者如人中
毒十日以前則此藥可療五倍子半斤甌中蒸乾令
熟丁香三兩焙黃焦色預知子半斤一半蒸令熟一
半焙令黃色木香三兩一半炮令黃色一半焙過膚
香三文甘草二兩一半炮黃色一半生用水銀粉一
孟子朱砂一兩細研為衣右件搗羅為細末用陳米
爛飯為丸如彈子大用藥時研令細同酒一盞煎得
溫服紹興二年秋連江古田民有查佐等蓄蠱殺人
其家來訴張參政守為帥依條斷遣仍勝十二縣委保
正副結五家為保互相覺察知而不糾
其罪與均仍頒勅令賞格散勝要處

去野葛

紹興二十六年吳提刑達以野葛能毒人自為文戒諭管下其畧曰奴有怨陰以償其主妻有

私陰以中其夫不利已公人以害清強之官規財物鄉鄰以窺富有之室其令五家為保各鋤絕其本根

勿令能殖

謠識

識緯識者不取然不可以耳目所不接盡廢者趙清獻
作成都集記曰神恠之事不可以為教書之何也吾將
以待天下之窮理者也今耆舊所傳與記籍可攷者始
載之

郭璞遷州記桑田為海人事更改洪水浸田人事多變六旬甲子

當有其害

六六之數當見其害

更重著衣周迴重載

見三重牆復而修之

鄭國歸朝重闕為待

東南有水潮入其音

鳥出木空千載不昧

無朱雀山千年無谷

前有雙眉重施粉黛

九仙鳥石山為之眉方山為之黛是太陰

宮也溪澗水來盡歸于海

南臺有江出其地戶去也

主揖其客客住

主在

蓮花山高蓋山方山相應

穩首東日高山鎮寨

卯山見高蓋為日門鼓山

為威廳之位

本自漆金因成右允

在乾為金佛國允赤金也

但見蛇形

莫知坐亥

木行巳街正坐壬也

事過方知知而未會

久後出人見了方知

龍山高山光照其代

建水為陽福之水光顯朝廷

巧婦能裁得令

人愛

遷出于巧婦之裁人俱愛之

若解修心得其終倍

云民得慈心得長壽

信生陽數即長齡也

市籠放火聚集磊磊

去郊為市橫山有赤路三二頂峯為火籠

有一老翁手把竹筒

乾為主陽之位主山也艮山入為主艮震為蒼莨竹也

重

添新宰在言不在

云在是乾為主山云不在是被巫山遮也

銘曰秦康之

載遷揜甌基四色牢城層巒三逕洪許南流瑞龍地

應其主螺女現對花峯千載不雜世代興隆諸邦萬

古繁盛仁風其城形狀如鸞似鳳勢氣盤挐遇兵不

僅遇荒不掠逢災不染其甲子滿廢而復興

于山

九仙光孝觀于山碑記云我有一莊園寄在于山邊于山九道士呼名為九仙輒然來相賀焉老自

相傳李公來戰日此無二一物只有一積金寄在于山庄不是中山中只是龍西郡我住東西城庄在于山下有人有不信但呼碑中話只看于山松于山金出現不在路傍只在中隴西拾得無分張時人莫笑金泥師拾得金泥也有富太和二年于山二斷吾年乙丑金園一片寄在山前在前左臂不歸庚申須歸乙未紹傳子孫衣錦次

第時人見碑吾今在世

古渡

舊有入得一石于城南釣龍臺刻云按晉太康三年太守嚴高圖越王山南之西勢以咨郭璞云方

山秀拔于前三山環峙于後八百年後大威識曰其間萃兀創危亭八百年前兆此名天降元精如漢佐

岳陶靈氣似周臣中祇不見容舫路古渡應無病涉
人好是褰裳待今日嘗蒲坊中人誕生年世寔避石
刻今不復存惟故
老口傳猶可據云

沙合路通

郭璞遷城詩云南臺沙合河口
路通先出狀元後出相公閩縣

石移

天寶石移瑞雲來
期屬福清縣界

龍爪

龍爪花紅狀元西
東永福縣保安里

水流

水流張墓園此地
出狀元永福縣

石橋

石橋全出狀
元永福縣

鯤潭

鯤潭生芝草溪北有高楼此時出公侯鯤
潭在永福縣越峯寺前今成沙洲生草矣

蘇溪

蘇溪不用船此時
出狀元福清縣

海口

江南沙合按龍頭兩角繞成事可謀但看
甲子重開日此時方始出公侯福清縣

松山

東去無邊海西來萬頃田松山沙徑合朱紫出其
間時松山沙徑風波險惡民有沒舟之虞今沙合

可寨棠矣
長溪縣

渡船潭

渡船通人行狀元方始生淳熙
年史丞相叔縣學于此寧德縣

鳳凰

鳳凰展翼欲飛渡大小長江侵雲霧蜘蛛接花水
中去必出三公連四輔紹興十年知縣林覺叔縣

學于此
連江縣

磨劍石

磨劍石平方出公卿古
田縣保安里玉鴻橋下

淳熙三山志卷三十九

欽定四庫全書

淳熙三山志卷四十

宋 梁克家 撰

土俗類二

歲時

歲時古有之四方習尚不能無異郡人曾師建記閩事
效荆楚秦中紀歲時閭里禮節行樂尤悉今掇其可載
者其未備者增修之人情之醇薄物態之紆急先後遷

變畢見乎此因俗設教者庶有觀焉

元日

祈年

自五鼓後戶無貴賤貧富皆嚴潔廳宇設上中下三位陳列酒果茶湯焚金銀楮錢奠承靈貺以保

年齡蓋用道家之說

飲屠酥

除日以藥劑入絳囊置井中元旦出之漬酒東向而飲自幼至長以為序可辟瘟疫蓋用華佗

與魏武帝方也

序拜

閩俗諸節最重元日冬至次之是日享祀畢序拜稱觴祝壽于尊者出見親族鄰里更相慶賀問亦

團拜雖閭閻委巷舉手相祝往反還謁盡節假乃止自縉紳而下士人富民胥吏商賈皂隸衣服遞有等

級不敢畧相陵躐士人冠帶或獨籠衫富民胥吏皂衫農販下戶白布襴衫婦人非命婦不敢用霞帔非大姓不敢戴冠用背子自三十年以前風俗如此不敢少變又其稱呼士人非實讀書不稱秀才豪門大戶爹呼父娘呼母其婢僕及在已下呼之曰郎君曰娘農販下戶罷呼父姪呼母其黨類及在已下呼之曰叔伯曰嫂鎔銖甚嚴雖驟富驟貧不可移易故其名分素定歲時揖遜俯伏井井可觀三十年來漸失等威近歲尤甚農販細民至用道服背子紫衫者其婦女至用背子霞帔稱呼亦反是非舊俗也

却葷食

以歲首率食素一日紹興辛亥程待制適以冠盜未平榜諭部民先是日禁屠

上冢

州人墳塋盡在四郊歲節之二三日華門大姓率携家拜掃雖貧賤市販亦盛服靚粧競出城闌東

西北郊之外冠蓋填塞故自節內酒亭食肆凡諸閭閻之家垂帷下箔優游歌笑至闌假乃止近數歲乃

欽定四庫全書

卷四十

有節內列
市如故者

入學

每歲節既五日各遣子弟入學或須十則以寅申巳亥吉亦不過三二日止凡鄉里各有書社歲前

一二月父兄相與議求衆所譽學識高行藝全可以師表後進者某人即一二有力者自號為糾首以學生姓名若干人具闕子敬以謁請曰敢屈某人先生來歲為子弟矜式幸甚既肯可乃以是日備禮延致諸子弟迎謁再拜惟恐後遠近聞之羣篋就舍多至數百人少亦數十人間有年四五十不以老為恥月率米錢若干送為司計為掌膳給膳飲食先生升堂揭立規矩有輕重罰至屏斥凡五等曰不率者視此諸生欲授何經乃日就講席唱解數說句過九日覆問之常以歲通一經若三日八日則習詩賦若經義與論策講題命意有未達點削塗改俾自入絕墨風俗如是蓋舊矣龍昌期詠福州詩云是處人家愛請

書程守師孟詩云城裏人家半讀書又云學校未嘗
虛里巷自周希孟陳烈先生以來以德行經術警悟
後學自是鄉邑有所推擇莫不尊敬畏服近三十年
以前尚然也故知有父兄師友琢磨淬厲縱不為世
用亦有成德三十年之後生以趨試上庠率遊學四
方而先生亦各開明以待來者事師之禮衰教人之
禮甚畧非舊俗也

立春

土牛

以占農耕之早晚與歲之豐瘠是日
昇置府前閩侯官倚郭縣不別造

蔬餅

閩俗立春以為節物蔡公襄立春寄福州燕司封
詩春盤食菜思三九又羅源林迴詩青韭供盤餅

而圓

上元

燈毬

燃燈弛門禁自唐先天始本州准假令三日舊例官府及在城乾元萬歲大中慶成神光仁王諸大

刹皆掛燈毬蓮花燈百花灯琉璃屏及列置盆燎惟左右二院燈各三或五並徑大餘簇百花其上燃蠟燭十餘炬對結綵樓爭靡闌焰又為紙偶人作綵竿履索飛龍戲獅之像縱士民觀賞朱門華族誅看位東西衙廊外通衢大路比屋臨觀仍弛門禁遠鄉下邑來遊者通夕不絕

綵山

州向無門談立巍我突兀中架棚臺集俳優娼妓大合樂其上渡江後停寢紹興九年張丞相浚為

帥復作自足不廢

觀燈

舊例太守以三元會監司命係屬招郡寄居者置酒臨賞既夕太守以燈炬千百羣妓雜戲迎往一

大利登臨覽勝州人士女却立踈望排衆爭覩以為
樂本州司理王子獻詩春燈絕勝百花芳元夕紛華
盛福唐銀燭燒空排麗景麓山聳處現祥光管絃喧
夜千秋歲羅綺填街百和香欲識使君行樂意姑循
前哲事祈禳又司理方孝能詩街頭如畫火山紅酒
面生鱗錦障風佳客醉醒春色裏新粧歌舞月明中
薄薄春衫新縷金樽前風細怯輕陰酒香隱約生紅
粉正與桃花共淺深又燈外風搖酒旆月中人歡
買花錢少年心緒如飛絮爭逐遺香拾墜鈿元豐中
劉待制瑾為守元夕不問富貧每戶科燈十盞陳先
生烈以詩題鼓門大燈籠云富家一盞燈太倉一粒
粟貧家一盞燈父子相聚哭風流太守知不知惟恨
笙歌無妙曲
瑾聞而謝之

寒食

開花園

州園在牙門之西所謂春臺館是也歲二月啟
繪縱民遊賞常閱一月與民同樂也蔡密學集

為郡日有開州園詩風物朝來好園林雨後清魚遊
知水樂蝶戲識春晴草軟迷行迹花深隱笑聲觀民
聊自適不用管絃迎又詩云節候近清明遊人已踏
青揮花穿戲戶酤酒似旗亭日向林光潤風回海氣
腥未知何處樂歸路已嚴扁程大卿師益春
風亭詩為報尋芳沽酒客年年到此且徘徊

鞦韆

古清明詩萬里鞦韆習俗
同州說于春臺館內外

遊山

州民踏青東郊尤盛多拾野菜煮臠謂之煮菜臠
亦唐人杏粥榆羹之意也太守以假日拉蔡屬登

臨蔡密學襄有寒食遊西湖詩山前雨氣曉才收水
際風光翠欲流盡處旌旗停曲岸滿潭鉦鼓競飛舟
浮來煙島疑相就引去沙禽好自由歸騎不令歌吹
歇萬枝燈燭度花樓是時西湖競渡可知也程大卿

師孟寒食遊九仙烏石山詩城中無事喜尋山千里
提封並海寬賓客相從筵既冷士民同出食猶寒芳
園病葉堆何限古院閑花落幾般誰道異鄉多感慨
登臨遲却十年官通判馬益和云屬吏參陪宴二山
金杯滿沃酒觴寬公私不禁三朝火風雨都無一日
寒花引遊蜂香四座人穿蕭寺景千般清明休假歡
心洽飽德咸知有上官是
日早登烏石晚遊九仙

墓祭

士庶不合廟祭宜許上墓自唐明皇始柳宗元文
近世禮重拜掃五代史曰野祭而焚紙錢謂此也
州人寒食春祀必拜墳下富室大姓有瞻塋田產祭
畢合族多至數百人少數十人因是燕集序列歎昵
尊祖睦族
之道也

上巳

禊飲

舊記桑溪在閩縣東乃越王無諸于此為流杯宴集之地國朝以來太守禊飲之地有三一曰南湖

禊遊亭政和乙未黃尚書棠更名洞霄堂宣和五年

俞憲向攝郡仍舊名二曰東禪肖蘭堂宣和中俞憲

向立今廢三曰聖泉曲水亭亦向立今更名聚星維

莫之春祓除之日率羣僚惟意所適王祠部達有上

巳遊東禪詩紫陌破清晨雕鞍映畫輪因修洛陽禊

重憶永和春錦綉荀香度樓臺梵宇新忙中得閒暇

來見解空人程大卿師孟上巳遊東禪詩出城林逕

起蒼煙白馬遺蹤俗尚傳第一僧居蘭若處幾番身

醉荔枝前百年驛客來題寺三月遊人作

樂天吏喚堂頭迎太守路旁先墜碧雲編

競渡

政和宣和中自黃尚書棠至陸侍郎藻為守皆登禊遊亭臨南湖令民競渡時徽宗御製上巳詩云

韶光三月恰芬芳禊飲池邊泛羽觴

畫舫翩翩戲龍虎一湖風景類江鄉

青飯

南祝木冬夏常青取其葉搗碎漬米為飯染成紺青之色日進一合可以延年本草云吳越多有之

今上已青飯以此舊記任款
仙去取祝葉染飯閭俗効之

三月廿八

東嶽焚香

州民以是日為嶽帝生日結社薦獻觀者如堵俚詩有三月廿八出郭東之句蓋其來舊

矣

四月八

慶佛生日

是日州民所在與僧寺共為慶讚道場蔡密學象為州日有四月八日西湖觀民放生詩

此風蓋久矣元豐五年住東禪僧冲真始合為慶讚大會于城東報國寺僧尼等至一萬餘人探闔分

施衣巾扇藥之屬近建炎四年為會四十有九而罷
紹興三年復就萬歲寺作第一會是日緇黃至一萬
六千餘人凡會僧俗號勸首數十人分路抄題戶無
富貧作如意袋散俵聽所施與無免者直臨莫考至
乾道四年歲大飢穀價騰湧成市會首有取至三千
餘緡王參政之望為帥聞之諭令糴穀賑濟不服乃
命根治盡拘其錢入官自是遂絕然所至鄉社已業
之民猶有自為之者鄉眾似斯之類借是為利歲無
時節率旬以三二日或集民居或聚社廟間間翁
媼輟食許語來赴者亦數百人此近歲之俗也

端午

插艾

午日天未明採艾插戶上以禳毒氣亦有結艾為
人者與荆楚同鄉村或採練木葉插之艾老相傳

可以
禁蚊

繫五絲線

舊傳三閭大夫語人五色絲蛟龍所畏故是日長幼悉以五色絲繫臂一名長命縵一名

續命縵父老相傳可以

辟蛇至七夕始解棄之

簪榴花

婦女競插花榴花為多亦喜梧桐花

飲菖蒲酒

李彤四序總要云五日婦禮上續壽菖蒲酒以本草云菖蒲可以延年今州人是日飲之

名曰
飲續

角黍

楚人是日以竹筒貯米祭屈原名筒粽四方相傳皆以為節物今州人以大竹葉裹米為角黍亦有

為方粽以相餽遺舊俗婦禮是日上續壽衣服鞋履團糉扇子菖蒲酒今鮮行之

競渡

楚人以爭屈原後四方以為故事是日競渡以為戲州南臺江沿內諸河皆龍舟鼓揖鉦鼓喧鳴綵

服鮮衣共闢輶駛士女觀者或乘潮解絆或置酒臨
流或緣堤炙岸駢首爭觀竟日乃歸程大卿師孟端
午出遊詩三山縹緲蒨蕩遂瀛一望青天千里平千騎
臨流寒翠幄萬人擁道出重城參差蟠螭橫波間飛
躍鯨鯢關楫輕且醉憚前金湫灩澦歌歸道月華明
蓋出南臺觀競渡也紹興中因鄉村爭鬪殺傷遂一
切拘納分詣院修浮橋船後稍稍復造

採藥

是日採藥用之多以為驗寧德縣安遠里有千日
巖昔有邑人程公于是日入巖採藥忽然輕舉因
以為名

七夕

乞巧

閨令應廊詩為鵲成橋架碧空人間天上此歡同
仙槎逐浪浮銀漢青鳥傳音到帝宮牛女佳期情

不斷古今遺恨意難窮綵樓乞巧知多少
直至更闌漏欲終今州人率以是夕會集

中元

孟蘭盆會

州人以此是日嚴潔廳宇排設祖考齊筵逐位薦獻貧者率就寺院標題先世位號供設

焚紙衣

前中元一二日具酒饌享祭逐位為紙衣焚獻

遊神光寺

寺有佛涅槃像傍列十弟子有捫心按趾哭泣辨踊出涕失聲之類是日孟蘭盆會因恠

像以招遊人遂成墟市相傳謂之看死佛舊記閩王于薛老峯西作百道時每歲中元閩人咸遊于此王祠部遠中元燕百文小樓詩薛老峯南更近西小樓高閣與雲齊中山酒熱中元節歸去從他醉似泥近三十年來人亦厭之此遊遂息

重陽

登高

飲菊花可以延年茱萸以辟惡氣州人率以是日登高臨賞舊記九仙山亦名九日山無諸王是日

于此鑿石樽以泛菊石樽可盛三斗猶存天塋中陳
工部絳重陽遊此山閏月九日遊越山縣尉黃虛舟
獻詩廣和者至四十三篇絳詩云勸君莫辭滿酌酒
瑶林瓊木皆良友就中此會難暫忘一年兩經九月
九茱萸含香又滿頭黃菊飄英再盈手清歡未見玉
山頽高空任待金烏走落帽聲名何足取孟嘉一會
登龍首梅仙耳熱遺我詩詩筆如椽膽如斗後程大
卿師孟遊道山亭宴若宣樓陳尚書軒遊萬歲平遠
臺各有詩曾師建云福州東南一都會跨巨海負高
山號泉石清觀建峯萬仞綿屬雲霄晴嵐朝開瘴靄
四面錦屏繡障周圍環合不知幾千載也城郭綠繞
鼎立三山飛閣層樓傑空聳漢得泉石之勝不可彈

紀郡人風物熙和冲融故名長樂昔參政元公詩云
可惜閩州風物好一生魂夢遶三山中書溫公詩云
夢寐常思山水國登臨今到鳳凰池張司封詩云金
銀佛地三千界風月人居十萬家黃尚書詩云照萬
事時惟是道賞三山處最宜秋莫不以是邦為山水
之勝九日登高于此于彼惟其所之皆足以盡眺臨
之異

冬至

序拜

州人重此節節前鄰里族戚更相餽遺
上冢祭享至節日則序拜如歲歲之儀

歲除

驅儺

鄉人儺古有之今州人以為打夜狐曾師建云南
史載曹景宗為人好樂在揚州日至臘月則使人

邪呼逐除徧往人家乞酒食以為戲迄今閩俗乃曰打夜狐蓋唐敬宗夜捕狐狸為樂謂之打夜狐閩俗豈以作邪呼逐除之戲與夜捕狐之戲同故云抑亦作邪呼之語訛而為打夜狐歟

餽歲別歲守歲

歲晚相餽酒食相邀達旦不眠蓋閩蜀同風

火爆

荆楚歲時記云山臊惡鬼犯人則病惡爆竹之聲李彤云元日爆竹于庭辟山臊鬼惡今州人除夕

以竹著火燒爆于庭中兒童當街燒爆相望戲呼連只謂之燒火爆張丞相浚為帥日除夕莆人鄭樵客郡中與觀火爆丞相命賦詩給竿字為韻樵口占云响隙光陰歲已殘門門竹爆共團樂燒成焰焰丹砂塊碎盡琅琅碧玉竿與轉韶光新景煥辟除惡味蒸寒酸主人從此占佳瑞再入為霖灑旱乾

宿歲

荆楚歲時記云歲莫家家具肴饌為宿歲之儲以迎新年相聚酣飲閩俗亦然又于除夕留宿宿歲飯

謂之隔年飯為
節假內之備

桃符鍾馗

書桃符置戶間掛鍾馗門上讓
厭邪魅今州人歲莫畫工市之

淳熙三山志卷四十

欽定四庫全書

淳熙三山志卷四十一

宋 梁克家 撰

土俗類三

物產

地均有所產然各有所宜宜非偏得于此則亦獨盛于他郡馬益福州詩兩熟潮田世獨無陳傳旤治遺事果有荔支花有未麗天下所未嘗有此其所偏得者而傳

又云長樂地產魚蟹多于牛羊葛泉溢于絲續是其所獨盛也歟然求之十二邑又有不能盡宜者潮田不出倚郭三縣荔支未麗不能及陀驛以北湯背以西魚蟹濱海而葛泉利于平陸如是之類不可以無紀

穀

稻 周禮職方氏揚州穀宜稻州古揚州南境也故稻之名亦不一今州倚郭三縣兩熟早種曰秌臺向金州曰林晚種曰占成曰白香曰白芒通謂之稻至外縣名色尤多按閩清園經早稻之種有六曰早占城烏羊赤城聖林清甜半冬而烏羊最佳晚稻之種有十曰晚占城白茭金黍冷水香榔倉黍肥黃矮銀城黃

香銀朱而白芡冷水香最甘香黍肥獨宜卑濕最腴之地糯米之種十有一曰金城白秫黃秫魁秫黃苞秫馬尾秫十秫臘秫牛頭秫臘脂秫而寸秫顆粒最長蓋諸邑亦或通有之占城相傳其種自占城國來大中祥符五年淮浙微旱遣使福建取種三萬斛分給令種時之今土俗謂之百日黃是也已上名色雖多不過有二秫曰糯稻餘皆秠稻爾雅所謂黏與不黏之異秠古名徐糯古名黍

麥

有大麥小麥蘇恭云今南北之人皆能種薛凡麥秋種冬長春秀夏實具四時中和之氣故為五穀之貴又有一種秋花冬收名蕎麥

麻

有胡麻有大麻胡麻即油麻也有白黑二種相傳其種得之大宛故名胡麻以其壓油以油麻名之今長漢者佳大麻北麻之子也諸色皆有之

欽定四庫全書

卷四十一

豆

有黑者紫者白者綠者紅者羊角者虎爪者如錢片者又有扁豆種子籬落間有蠶豆蠶熟時有之

粟

粒細者香美南地以稻灰種之不必鋤治江東呼粟曰紫粟稷也即此

稌

甄治遺事稌米與黍米相似而粒大呂氏春秋飯之美者有陽山之稌

薏苡

春生苗莖高三四尺葉如黍開紅白花作穗五六月結實形如珠子而稍長故名薏珠

貨

鹽

福清鹽埕經其畧曰海水有鹹洩潮長而過埕地則

先耕埕地使土虛而受信既過刮起堆聚用車及擔

輦致整頭穴土為窰名為漏埕以杆葉窰用茅襯底

滿貯土信取鹹水淋之惟實則取洩必鹹旁用鹽管

引入洩埕埕在漏埕之下掘土為窰以受洩茅草覆

鐵

之取難子或桃仁置酒中以候浮則酒鹹可煎築土為斛畎在宮窰旁以竹管接入鹽盤如畎澮之流盤以竹蔑織用蠟灰塗復織釜牆以圍繞亦塗以蠟灰益以受酒也大盤一日夜煎二百斤小盤一百五十斤今福清長樂縣見有鹽戶連江羅源寧德永福等縣有之其品自三初煉去鏽用以鑄冶

寧德永福等縣有之其品自三初煉去鏽用以鑄冶
罷物者為生鐵再三銷拍人以作鏢者為鑄鐵亦謂
之熟鐵以生采相雜和用以作刀劍鋒刃者為剛鐵商
賈通販于浙間皆生鐵也慶歷三年發運使楊吉乞
下福建嚴禁法除民間打造農器鍋釜等外不許販
下海兩浙運司奏當路州處自來不產鐵並是泉福
等州轉海興販逐年商稅課利不少及官中抽納折
稅收買打造軍器乞下福建運司曉示許令有物力
客人興販仍令召保出給長引只得
詣浙路去處販賣本州今出給公據

糖

取竹蔗持蒸候
官甘蔗洲最盛

紅花

閩縣懷安福清長樂等縣皆有之
花如刺結秋末種春末採可染絳

紫草

八月末種二月採根用蜜籠收見
海風則變黑矣與紅花同所出

藍澱

諸邑有之閩縣桐江上下尤多故地
有名青藍或青布者為盛出于此

草蓆

閩縣江南沙洲草熟織作尤盛陸販上四郡
并運至淮浙其至麓者舊淮浙鹽袋用之

木筏

羅源寧德連江多取
木為筏出南北洋

白梅

懷安侯官鄉戶園林種至千萬株鹽
者為白梅培乾者為烏梅行至江浙

蜜

有石蜜巖石間作色青赤有木蜜木枝間
作色青白及人家窠檻中作者蜜濃味美

紙

竹穰猪皮薄藤厚藤凡柔韌者皆可以造紙竹紙出古田寧德羅源村落間黃魯直有次韻惠玉板詩古

田小晚惠我百應知漢翁能解玉猪紙出連江

西鄉薄藤紙出侯官赤岸厚藤紙出福寧嶺

茶

舊記舊閩縣尉廳名茶山館又縣東十五里有茶園山亦云石籃山出茶球場山亭記有芳茗原今既治

山唐憲宗元和間詔方山院僧懷惲惲惲德殿說法賜

之茶懷惲奏曰此茶不及方山茶佳則方山茶得名

久矣唐地理志亦載福州貢蠟面茶蓋建茶未盛前

也今古田長溪近建寧界亦能採造然氣味不及

絲麻

紬

桑葉小不甚宜蠶得絲麗纔可為紬

蕉

大觀本草閩人灰理其皮績以為布舊嘗入貢

欽定四庫全書



淳熙三山志

紵

其皮可以績布一科數十莖宿根至春自生歲三四收

麻

諸邑有之績其皮為布連江以北皆溫之于漢旁為坑藏火束麻內其中石覆而水沃之良久乃剥今連江及福清永福出麻布尤盛

葛

可緝為布長溪等縣有之

果實

荔枝

州北自長溪寧德羅源至連江北境西自古田閩清皆不可種以其性畏高寒連江之南雖有殖者

其成熟已差晚半月直過北嶺官舍民廬及僧道所居至連山接谷始大蕃盛大觀庚寅冬大霜木皆凍死經一二年始于舊根復生淳熙戊戌冬大雪亦多枯折常時霜雪寡薄溫厚之氣藏于東南故閩中所

產比巴蜀南海尤為殊絕蔡公襄譜
之其于果品卓然第一非虛證也
江家綠皮大薄而味少

淡蔡公荔支譜云福州種殖最
多品目至衆惟江家綠為第一
綠核頗類江綠色丹

核此以
圓丁香他種帶大下銳此
虎皮紅色絕大統
綠見異

牛心以狀言之長二十餘皮厚肉滋福州唯一
班株每歲貢乾荔支皆調于民主吏常以牛心

為準民倍直購之
玳瑁紅荔支上有黑點疎密
以輸嘗黝而不用
如玳瑁班城東有之
疏黃

色正黃兩刺微紅亦
朱柿色如柿紅而扁
小荔支以色名之
大亦云朴柿
葡桃穗生

至一二百附支而生樂
蚶殼殼為深渠
天所謂朶如葡萄者
如瓦屋為
白蜜純甘
如蜜小

丁香核如小丁香
大丁香出天慶觀
唇殼瓢多
雙髻小紅每朶
數十

皆並蒂
駢首

真珠

剖之純熟圓白如珠
荔支之小者止于此

十八娘紅

色深紅而細
時以少女比

之俚傳閩王有女第十
八好歌此品因而得名

將軍紅

五代間有為此官者種
之後人以其官號其樹

而失其
姓名

釵頭
顆紅而小可簪纓
之側故特貴之

紛紅

荔支多深紅而色淺
者為異故曰粉紅

中元紅

荔枝將絕纔熟以晚重
于時已上蔡公所譜

一品紅

于荔支為極品
出州宅堂前

狀元

紅

于荔支為第一出東報
國院已上曾公輩所記

馳蹄

以其長大
而甘柔也

金糴

上銳而下
方色深黃栗

玉

似金糴而圓
實其味佳勝

洞中紅

出于宿猿洞因以名
之已上陳傳所傳

火山

嶺上

樹園記荔支南中之珍果也梧州江前育火山上有
荔支四月內先熟核大而味酸謂之火山今州為盛

其佳者不
減名品

星毬紅

此一種出靈岫里田間枝條花葉
大三倍色紅而不絳蒂根于臍銳

者如瓜扁者如橘圓者如雞子頤者如皂莢形殊狀
說核皆如丁香亦有絕細者大者器不能盛細者拳

之頗重甘脆而韻蓋神品也奪其
枝者竟莫能逮焉已上近所稱

龍眼

一名益智葉凌冬不凋春末夏初生細白花七八
月實成鉄青黃色圓如彈肉白而甘有大如錢者

人亦珍之曝乾
寄遠亞于荔枝

椒欖

木端直而高秋實先苦
後甘脆美者曰碧玉

柑橘

柑類有朱柑乳柑黃柑羅浮柑鏡柑石柑沙柑洞
庭柑橘類有密橘朱橘乳橘踊橘山橘黃淡子金

橘綠橘宜母子今懷
安黃江多亦有柚子

橙子

類極多佛頭橙安橙青
橙皺橙樂橙香綿橙

香櫟子

大者長尺餘
香勝柑種

楊梅

木似荔枝葉細陰厚其實生青
熟紅無皮殼南人多醃浸之

枇杷

其葉陰密四時不凋
十月開花四月熟

甘蔗

二種短者似荻節而肥長者可八九尺似竹管
宋孝武造蔗百挺與魏太武今閩人稱極為杖

蕉

葩如芭莖嬌紫而倒垂左右挺弓駢其間味甘清嬌
者為佛指舊極香美為牙蕉曝乾可以寄遠無實而

花紅者為紅蕉
白者為水蕉

棗

種類非一方者名散子尖長
者名龍牙不堅實者名魁棗

栗

外刺如猬熟則辟發
永福縣小邑為多

蒲萄

龍鬚蔓衍水沃其本須臾露泣藤杪故根號木通花細而黃白實如馬乳碧者葉差厚比果之珍者

今州有之

蓮

爾雅及陸璣疏荷為芙蕖華未發為菡萏已發為芙蓉其實蓮其根藕

雞頭

芡也埤雅蓮鐫似雞首先實而後花晝合而宵開與荷花相反蓋陰陽之別也今連江東湖亦多

之

芡

菱也浮水上花黃白實則回向水中

櫻

四月熟深紅者曰朱櫻黃晶者曰竭櫻

木瓜

大者出長溪

瓜

城北下洋家多其小者
謂之一握青出福清

柿

有花柿有外柿有烏柿
有朱柿古田縣家多

杏

圓者名金杏熟最早扁而青黃者名木杏外
皮中實者名銀杏即鴨腳也州近亦有之

石榴

有黃赤二色近亦有白者實亦
甘酢二種甘者為果酢者入藥

梨

揭梨舊出近京今州亦有之皮薄而漿多味差短于
宣城乳梨香則如之其餘輕消藥拒霜梨水梨赤梨

紫梨煤梨之類其
廉者謂之綿梨

桃

有紅桃白合桃
晚者為十月桃

李

有綠李赤李琥
珀李總黃李

林檎

一名來禽有甘酢二種甘者早熟脆美酢者差晚

胡桃

本出羌胡今亦有之

柰

似林檎而青小花白其味苦

榲桲

味酸甘似橙子而大舊生北土今亦有之

楊桃

臨海異物志楊桃其色青黃核如棗核生晉安侯官縣可蜜藏之有五瓣或謂之五瓣子

王壇子

臨海異物志王壇子如棗大晉安侯官越王祭壇邊有此果無知其名以其生處遂名王壇形

小如龍眼王彪之閩中賦王壇假栗楊都賦曰果則龍目荔支王壇丹橘舊記又云相傳生于王霸壇側

茨菰

葉如剪刀草根實大如錢而差長方言謂之蕪

欽定四庫全書

卷四十一

菩提果

自西域來得名夏實中虛味香甘而脆核如枇杷子

金斗

實紅葉似椒攪而長

新羅葛

根甚大色青白一名土瓜

菜菔

菘

與蕪菁相類莖葉不光者為蕪菁莖短葉闊厚而肥者為菘

芥

似菘而有毛味辛辣此青芥也紫芥莖葉通葉多作蘆食之最美白芥

芥石芥之類皆菜茹之美者

菜腹

俗呼為蘿蔔

萼

色似鳧葵浮水上採莖莖堪啖花黃白子紫
三月至八月莖細如釵股名絲萼味甘

鳧葵

即荇菜也莖澀根極
長花黃水中極繁盛

白苣

如蒿苣葉有白毛又
有難苣亦堪作茹

蒿苣

避齊閒覽載王穉求云蒿
菜出高國有毒百虫不近

芸臺

香可散
破結血

雍菜

蔓生花白堪為菜南人先食雍菜後食野葛二物
相伏自然無苦取汁滴野葛即死張司空云魏武

帝啖野葛至一尺應是先食此菜也一名覺菜避齊
閒覽覺菜本生東夷人用覺載其種歸故以為名

水斬

音芹生池澤中可為生菜亦可作菹
有兩種荻芹取根白色赤芹取莖葉

菠薐

劉禹錫嘉話錄菠薐出西國中有自彼將其子來如苜蓿蒲萄由張騫而至也

苦蕒

可傳蛇虫咬蠶蛾出時不可取令蛾赤爛蠶婦亦忌食

茗蓬

莖灰淋汁洗衣白如玉色

東風菜

葉長極厚軟上有細毛紫莖先春而生故有東風之號

茄子

有數種紫茄重茄青水茄白茄一名落蘇顧表錄異記南中草菜經冬不棄故蔬園之中栽種茄子

宿根有二三年者近城種多出城西

苋

苋有六種有人苋赤苋白苋紫苋馬苋五色苋

胡荽

湘山集胡荽即園荽也人或謂之香荽幼幼新書云一名撈不食草

同蒿

今人氣滿不可多食

蕨

爾雅曰蕨萑也郭注初生者可茹

薑

出在城三縣連江縣多

蔥

有數種入藥用山蔥胡蔥食品用陳蔥漢蔥凡蔥皆能殺魚肉毒

韭

園人種時一歲三四割之其根不傷至冬壅培之先春而復生許云先種而久故謂之韭

薤

似韭而葉闊多白無實不可生啖以其葷辛也

葫

大蒜也每頭六七瓣主散癰腫蒜為小蒜以其氣類相似也苗皆如葫而極細

冬瓜

即白瓜也生苗蔓下大者如斗而更長皮厚而有毛初生青綠經霜生粉乃取藏蓄彌年可作菜果

瓠

味甘似越瓜長者尺餘夏熟

瓠

夏末始實取以為羹經霜乃堪小者名瓢

白藁荷

春初生葉似甘蕉根似藁而肥其性好陰在木下生者尤美潘岳閒居賦藁荷依陰是也荆楚

歲時記謂可以防虫

紫蘇

葉下紫而甚香夏採莖葉秋採實一名荏

薄荷

葉尖冬不死夏採莖葉暴乾

馬芹子

香似橘皮花似芹花子似防風徧而大

茵陳

春初生苗秋後葉枯莖幹經冬不死春生新葉故名茵陳

海藻

葉大生深海底爾雅疏藻水草也楊州人以當穀食埤雅云善療瘤瘰

紫菜

附石生海上生青取乾則紫其莖纖而希其味尤珍出福清者佳

鹿角菜

生海中亦能解麵熱

芋

陶隱居云蜀川生者形圓而大狀如蹲鴟謂之芋魁閩中出者形長而大細者如卵生芋魁傍食之尤美

州北下
洋尤多

枸杞

春生苗莖幹高三五尺秋生紅實是時採紅實春夏採葉冬採根幼幼新書云一名地骨一名西王

母
杖

花

欽定四庫全書

卷四十一

十二

未麗

此花獨閨中有之夏開白色妙麗嵇含草木狀謂之未利佛經曰未麗花香又有番未麗藤生亦香

素馨

蔓生白色露裏愈香蔡公襄詩素馨萬里來商舶團圓未麗叢錄香

牡丹

州舊無之慶歷間羅源林迴隱居闕有出山遇慈恩長老獻牡丹詩云春闕王在庭稀山中

還信正芳菲蓋有之闕寧間程大卿師孟詠福州詩云芍藥闕難種處謂城中也今古田長溪羅源

連江多有之

芍藥

所產與牡丹同

紫玫瑰

亦名徘徊花郡人翁承贊詩三株紅芍藥一架紫玫瑰

四時山丹

花紅色葩英叢起如絳羅囊林迴詩葉剪青油藥渥丹春風隨衆出欄干碧桃黃菊凋零

後誰伴長
松到歲寒

長春

花亦四時有之林迴詩洞門深不放春期客到尋
芳莫問時遊日暖風冰與雪照臨紅艷一枝枝

真珠

有單葉亦有百葉許公將詩藪藪圓英淡粉粧肯
隨桃杏媚韶光金刀不到春風外草密林深只自

香

酴醾

花白而香春時極盛葉公夢得詩東風吹麝入鉛
華未肯隨春到謝家夜半粉香垂露泣定應和月
怨梨花又有檀
心而紫者尤香

梅花

又有紅梅蠟
梅百葉梅

瑞香

紫色芬香舊記
無近州多有之

千葉石榴

花紅艷
不結實

薔薇

枝幹有刺花紅紫色盛開如錦亦有
薔薇如棠棣金色有淡黃薔薇鵝黃

越橘

花如瑞香葉幹如
黃楊實如朱櫻

金林檎

花繁生如郁李花狀差
大實如來禽而差小

半丈紅

花如御帶而差
大一一名棠棣

袞繡毬

色白圓
如毬

海棠

色紅以木爪領
接之則色白

關雪紅

關中近有之花如玫瑰而香色
過之四時常芳不隨羣卉彫茂

閨提

南海種商人傳之花暫白而香勝如素馨益巖桂之流品也仙書曰閨提

玉簪

質素而香形如玉簪亦名白鶴

金沙

玫瑰之流也香不及之

剪金紅

圓無香葉分數歧如剪刀之狀

度年紅

幹高而花難彫自冬末涉春不少變

含笑

白花有二種小者香猶酷烈開盡則香微故以含笑名

百合

莖特生而直上亦名倒仙花白一種班紅謂之川百合

凌霄

藤蔓附大木而生其花黃赤夏盛

紫荊

木似林檎花
深紫可愛

罌粟

花有紅白二種九月布子春
深乃生實如小罌子若細粟

葵

有數種蜀葵出戎蜀兩雅所謂菁莪葵
花白者主瘰癧黃者葉尖狹夏間花淺黃色
主瘡癰小花者名錦

葵俗呼為
胡燕脂

菊

莖葉而香葉厚嫩可食者花微小味甘為真菊
又或莖青根細花白葉黃其葉似同蒿花葉並黃者俗傳
為廣菊狀似嬰兒者俗呼為孩兒菊
花發較北地常先一月獨菊
花開最遲菊性宜冷也

惟一種深黃色名
滴滴金六月開

玉蝴蝶

色白如瓊花中叢葉傍有八蝶
繞之謂之聚八仙
垂枝條而雙對者名玉蝴蝶

朱槿

一名佛桑一名佛日色深紅葉如桑高者大餘一種色白一種色紫淡黃者俗謂之金木蘭純白而

英間無紫點者名舜英

雞冠

秋生紫色如繡畫雞冠之狀

山茶

花深紅色冬盛開

御仙

似罌粟而小

金鳳

狀如飛鳳有紅白紫粉紅數種

金錢

深紅色葉長細

拒霜

一名木芙蓉秋開色淡紅一種百葉朝開純白午後則漸紅如醉謂之醉芙蓉

巖桂

其葉兩兩相向栗結其間及開消頤斷續而遠聞俗呼為九里香木紋如犀可以為器亦號木犀數

種有四時開者紫者紅者深紅者曰丹桂凡色勝則香薄

鷹爪

藤生夏開木銳似鷹爪薄暮方開香如爛爪

鳳尾

有二種大者花白葉黃穗生長僅尺若鳳尾然一種差小花疎而香勝亦名七里香可以辟蠹

玉屑

藤生花白色如碎玉之狀

玉籠鬆

藤生花微紅而圓一種醉楊妃花相類葉天

寶相

藤生花類長春

藥

地黃

葉生布地上有皺文根如手指通黃色

牛膝

春生苗莖高二三尺青紫色有節如牛膝狀今州人單用土牛膝根治血塊

薯蕷

根如薑芋土人單呼為諸生于山間石罅者良

天門冬

春生藤蔓大如釵股高至大餘華如荷香極尖細而疎滑有逆刺根大如指長二三寸潤雅謂

之藤一名霰冬

麥門冬

葉青似莎草長及尺餘四季不凋根如連珠形似穢麥類故名

黃精

三月生苗高一二尺葉如竹葉而短兩兩相向葉便柔脆頗似挑技根如嫩生薑黃色八月採蒸熟

唱博物志天姥謂黃帝曰太陽之草名黃精餌之可以長生

細辛

其根細而其味極辛故名

懷香子

亦名茴香葉似葫荽疎細作叢花頭如圓蓋黃白色實如麥而小北人呼為土茴香

茯苓

生大松下望松赤者下有之作塊如拳大者至數觔似人形龜形者佳假松氣而生不附着根上其

抱根而輕虛者為茯苓淮南子曰下有茯苓上有兔絲

茱萸

葉似楮而闊厚實似椒子嫩時微黃熟則深紫

石韋

叢生石上葉如柳背有毛面斑點如皮故名一名石皮州自有一種三月有花採葉可煎湯浴亦有

生古瓦上者

決明子

葉似槐花黃子如茱萸而銳

香蒿

陶隱居云似白蘇而葉細一作香葉俗呼香薷霍亂轉筋煮飲服之

連翹

南方生者葉狹而小莖短纒高一二尺花亦黃實房實黑內含黑子如粟粒

香茅

四季常有苗葉而無花其根謂之茅香

何首烏

春生苗葉葉相對如山芋而不光澤其莖蔓延竹木牆壁間根大者如拳各有五稜瓣似小甜

瓜赤者雄白者雌本名交藤因何首烏服之故名

半夏

獨莖生莖端出三葉淺綠色似竹葉根下相重生皮黃肉白

使君子

蔓生花紅白相間形如捥子而稜瓣深

天南星

苗似荷梗莖高尺餘葉兩相抱花黃子作穗生根如芋而圓

蓖麻子

音卑莖有節秋花結實殼上有刺仁白有油如大麻

牽牛子

蔓生蘿落間葉有三尖花帶碧色實作毬內有黑子一名鉞子花

薑子

其木似樗莖間有刺子辛辣如椒

石蠶

草根之似蠶者出山石上四時常有其苗青亦有節

土紅山

味甘苦大者高七八尺葉似枇杷而小無毛秋生白花如粟粒州生者作細藤似芙蓉上青下

白根如葛

治勞瘵

車前子

爾雅云茺莖馬薊馬舄車前郭璞江東人呼為蝦蟆衣今閩中亦然

桔樓

一名天羅藤亦名天瓜退之所謂黃團掛門衛者治風熱土人取瓢研和酒飲之方家持其根為粉

入劑

獨脚仙

生山林傍陰泉處多有之春生苗至秋冬而葉落其葉圓上青下紫夏採根葉連梗焙乾治人

塊血

石益

生山中子
治蠱毒

赤孫施

葉如浮萍草一名歲寒漿
一名酸漿離騷云薺藜

紫金牛

味辛葉如紅花上綠下紫實圓如丹朱
根微紫色八月採牛心暴乾頗似巴戟

小青

生搗其葉
可治癰瘡

庵蘭

狀如蒿艾
可以辟蛇

鹽麩子

葉如橘子秋熟為穗粒如小豆上有鹽似雪食之酸鹹止渴蜀人謂之酸鹽吳人謂之烏鹽

桑螵蛸

螳螂子也多在山木及荆棘間桑上者以得桑津氣故佳市之者以附枝為驗

萌蘖

輕虛無心主續筋骨一名接骨方

覆盆子

苗短不過尺莖葉皆有刺實如佛螺而旋

石菖蒲

陶隱居士云生石磧上概節者佳下濕地大根者名昌陽惟真菖蒲葉脊如劍今黃檗山龍湫

崖下瀑布飛度却離可數步生其間者絕佳非神全不為濕悖者莫能採溪蓀根形氣色極似但葉無脊耳

淳熙三山志卷四十一

欽定四庫全書

淳熙三山志卷四十二

宋 梁克家 撰

土俗類四

物產

山海天地之藏郡封所至林煙蓊葭橫屬數百里滄波
瀰漫下極無涯物產萬殊可得而盡名耶鳥獸草木要
欲多識矧屬吾境亦恥一物之不知姑以所聞見纂其

可書者附于篇

木

松

四時不改柯易葉史記曰松柏者百木之長也蔡密學襄知州日令諸邑道傍皆植之又自大義渡夾道

達于泉漳人稱頌之詩曰夾道松夾道松問誰栽之我蔡公行人六月不知暑千古萬古搖清風樹既老愚民多穴取其松明以燒以至枯折尉司雖嘗籍記或令補種未能禁絕舊隸憲司近亦申嚴云又元祐中道士顏象還自東門植松抵鐵塔康山之巔陳傅贈詩初與田蔬一樣平一十年後抽天青行人息蔭涼風下應說栽松道士名

栢

葉區生而香

相思

木堅有文堪作器用几案棊局書筒拍板之屬子冬實名紅豆興都賦云相思之樹

欖

木高大枝有刺子似菜莢而香味辛如椒段腥物

椒

木有刺子朵生而熱味辛生蜀都名蜀椒西戎名胡椒本上者名土椒

樟

高大葉似栴葉而尖長彌辛烈者佳為大舟多用之

檜

栢葉而松身詩曰檜楫者此

金荊

木堅有文彩可為牀榻

黃楊

葉細皮薄歲長三寸至閏年則縮一寸東坡詩惟有黃楊厄閏年木堅實可為器用

藥

木枝葉與石榴無辨皮黃子赤如枸杞子兩頭尖枝可判以染黃生山石間

檟

爾雅曰苦茶也
注云似梔子

木櫨

葉如檟櫨而小實可以浣衣子可貫為
數珠佛經貫木櫨木一百八箇是也

櫨

州以南為多至劍建則無之以其擁腫不中繩墨名
以補或曰其蔭覆寬廣宜以榕名慶厯中王守詩云

清陰隨日遠翠影共煙浮廣蔭均榮賤安人異品流
惟臨大道冠蓋俯高樓避暑疑無夏當風別得秋
熙寧中程大卿師孟多命植此自為詩三樓相望枕
城隅臨去重栽木萬株試問國人行往處不知還憶
使君

桂

葉似枇杷花白叢生巖嶺間冬夏常青唐太和四
年夏天降桂子散落人家芬馥異香圓如珠顆

朴

葉如加條差小
其皮粗故名

枏

材堪棟梁根生瘤
具賦云楠瘤之木

楮

皮有斑花其皮可以為布
亦可持以為紙實如楊梅

練

高大餘葉密如槐而長三四月開花紅
紫色實如彈丸熟則黃即金鈴子也

椿

葉似檉欖
芽香可噉

樗

木形幹類椿葉脫處闕
故名然無用莊子所謂匠者不顧

梓

似桐而葉小花紫爾雅云倚梓郭璞云即楸
也陸璣云梓者楸之疏理白色而生子者

椶

高可三二大三月開黃花八九月結實名皂斗其
殼可以染皂即爾雅云櫟其實椶邢昺疏曰椶盛實

之房孫炎云
其實椶也

石南

葉如枇杷有刺凌冬不凋人多植庭中
陰翳可愛不透日氣其木堅硬可為斧柯

枕榔

木似棕櫚有節葉亦如之外堅中虛內有
麤大者數斛紫黑色有文理可以制器

檉柳

皮似檀槐葉如
拼正生溪旁

檉

爾雅疏曰檉一名西河柳郭璞云今河傍赤莖
小楊也陸璣云皮赤如絳一名雨師枝葉似松

椴木

生山中葉
子似茱萸

加條

葉似朴磨犀
角象牙用之

青剛

葉似石南木紋如
黃楊堪作鞍橋

梭櫚

亦曰拼櫚高一二丈傍舞枝條葉尺餘中包如
魚子鵝黃色然根浮土人植時先磐石其下

檀

葉似槐可以用為床榻器用

楓

似白楊葉圓而歧有三角二月花色白取其脂可以為香

杉

木類松而勁直葉附枝生若刺鍼

桐

有四種青桐皮青赤桐皮赤梧桐皮微青俱有子白桐有花無子一名椅桐又名華桐岡桐惟白桐無子

可為琴瑟

槐

葉細而青花子黃有葉大而黑者名椹

皂莢

有雌雄雄者不實鑿木榦方寸以雌木填之乃實

櫛

郭璞云此木似作子可食為柱不腐

白牙

最白潔可為器玩

水楊

葉圓而濶枝條短硬多生水岸

柳

柯條與北土無異但飛絮者稀

桑

與柘為二種皆可以飼蠶亦可為鞍橋

竹

慈竹

叢生任昉所謂子母竹蔡公覆嘗賦之

斑竹

生永福縣鶴洋崖及湘江者又有紫竹今山邑皆有之

鶴膝竹

生古田縣似蘆壽藤不須琢削自合杖制

箭竹

可為箭幹生長
在古田山中

苦竹

笋味甚苦又有苦伏竹笋
冬生掘而食之味尤珍

淡竹

肉薄節間有粉南
人以燒竹漚者

石竹

連江等縣為多節
疎而平可為器用

麻竹

大至經七八寸
葉亦大笋夏生

江南竹

粗大而
堅直

秋竹

甚小以
為蔑用

蟲竹

叢生如蘆每節生蟲如新蟬之未翼者中
無竅隙隨節而長竹將枯乃穴其傍而出

豁竹

節長細可為笛
材笋味最美

筋竹

肉厚而竅小
可為弓弩材

草

萱

詩曰焉得謾草埤雅謂一名鹿葱草之可以忘憂者
夏開者梗高葉大秋開者短而葉細別有猩紅而百

葉者有鵝黃而
香者非一種也

蘭

一名水香顏師古云即澤蘭也生水傍葉光潤尖長
花蠟色六出三極數瓣聳若鼠耳一卷而紫暈檀心

氣清遠蓋國香也春秋兩種楚詞云春蘭兮秋菊又
云秋蘭兮青青或云一幹一花而香騰者蘭一幹五

七花而香

薄者蔥

剪刀股

葉如剪刀苗甚軟嫩色深青綠每叢十餘莖內一莖之分枝開小白花

瓊田

春生苗葉無花三月採根葉焙乾土人用治風

建水

枝葉似桑四時常有土人取其葉焙乾碾末治走疰風

雞項

葉紅花葉上刺青色亦名千鍼草根似小蘿蔔枝條直上三四月苗上生紫花八月葉凋十月採根

火杓

春生苗葉似紫蘇大而尖長白花州人呼其葉為火杓草

馬藍

葉類苦薺菜土人連根採之即煎雅所謂歲馬藍是也治鯢魚毒

石龍芩

叢生俗名龍鬚草今人以為席

莎草

根名香附子



燈心

生澤地叢生莖圓細而長直人以為席

雞腸

一名紫縷葉似苧菜而小其莖梗作蔓斷之有綠縷細而中虛似雞腸因名

鱧腸

即蓮子草也一種葉似柳而光澤莖似馬齒莧花細而白其實如小蓮房一種苗直頗似蓮花而黃

色實亦作房而圓可以止血方言謂之斷血草

羊蹄

充菜也葉狹長色深莖節間紫赤抹根醋磨塗癬速效

蒲草

一名通脫木葉如草麻中虛有軟白可為輕花出長溪

紫背

解一切蛇毒

佛甲

多附石向陽而生似馬齒莧細小而長

仙人掌

多于石壁上貼而生如人掌故名治腸痔瀉血

蒲

生陂湖中嫩者可食漢嘗以裹輪

蕒

生有三稜爾雅謂之望江生者為淡蕒近海者為鹹蕒土人以為纜為席為屨

芒

似茅可以為繩索履屨

虎杖草

爾雅曰似紅草而大可染赤煎以為飲色如琥珀

戒火草

人家用瓦缶植之以警火

獨掃草

爾雅曰馬帚注云可以為帚

茭

生泥浦中葉如蒲葦人縛為薦席謂之菰又有白色者其根可食謂之茭鬱子中有黑點歲久有白臺如

小兒臂謂
之灸手

藤

丁公藤

生依南樹故號南藤莖如馬鞭有節紫褐色南史解叔謙母有疾夜于庭中祈告聞空中云取

丁公藤治即
瘰即此藤也

千金藤

主一切血症生南土者黃赤而細辛

紫金藤

生山中初春生葉青色至冬凋落其藤似枯條採其皮曬乾治腎氣

石南藤

其苗蔓延木上四時不凋

含春藤

其苗蔓延木上冬夏長青治風

感藤

如雞卵大味甘美如蜜生研傳蛇蟲咬
瘡一名甘藤甘感聲近耳又名甜藤

吉鈞藤

亦名美龍藤色紫老者可帖雙陸局
道家呼其根為降真香或以為蘭

金剛藤

方言謂之跋頡根
赤色可以染鴨子

辟荔藤

緣木而生

香藤

緣木而生其氣馨香又
有南藤人取以釀酒

王孫藤

可供作纜

畜擾

馬

海壇舊諸牧有之但驚蹶蹕突
須久服習乃堪乘驢騾亦同

牛

黃牛角縮而短悍水牛豐碩而重遲出福清以南水牛新孳下其乳為團出城東松嶼

羊

歲兩生息出福清長溪

猪

犬

猫

雞

鴨

鷺

獸

虎

山深處有之異時或忽至城邑

豹

尾赤而文黑為赤豹又有黑豹文圓者為錢文豹

豺

季秋之月攬獸以祭天方言呼為豺犬

狼

似虎而小性主貪

熊

猪身而圓有爪如鉤

麂

麂類也其肉堅韌不及之其皮可為履鞹

麋

味甘無毒有牙而不能噬

猴 詩謂之獮大歷中有數百集古田杉林中里人欲伐木殺之有一老者飛下縱火焚樹傍家于是人走救

火遂得脫去

猿 居山林巖石間渴則連臂下飲人或射殺其子必自投而死剖視之腸皆寸斷亦名猿父爾雅曰猿善援

獼 似猿而蒼色爾雅曰獼父

兔 歲中秋感月精而生閏中近亦有之

香狸 口銳身長似貓過山則草木皆香

猩猩 連江五峯山勢高遠林深茂有之

刺蝟 狀類獬狔脚短多刺尾長寸餘近人則縮能捕蠱毒

野猪

如豚毛黑如
錐名曰豪氣

野狐

似狗而小尾如長帚能
媚人為妖皮白可製裘

鯪鯉

似鼈而短小色黑又似鯉魚四足能陸能水日中
出岸開鱗中仆臥令蟻入滿趨水中蟻浮出食之

山犬

狀類家犬
赤蒼色

山羊

有筋力善走
其角觥觥然

獼

水獸也似狸而毛細入水不濡主魚
鯉不下者取其足項下紀之即愈

竹鼯

蒼色如鼠食蘆葦根
柳人亦謂之羊豚

鼠狼

生山野中似
猫能捕鼠

鼯鼠

似小蝙蝠
膏療耳聾

鼯鼠

似兔而小尾多毳善緣藤蘿
而走王右軍取其鬚以為筆

鼯鼠

身似牛而小鼻似猪而足短貪飲溪水若恐不足故曰飲河不過滿腹

禽族

鵲

白者似鵲黑者曲頭其巢中為池
含水滿池中養魚及蛇以哺其子

鷓鴣

水鄉有之從
口中吐雛

鵲

似鵲
而白

鷓鴣

臆白翅青南越
志隨潮上下

鴻雁

寒露來賓至長
溪止及春北嚮

黃雀

秋稻將熟自西北來多至
數千間連江等縣有之

魚狗

紅背翠羽腹背間微赤戲于菖間俟
魚則穿波取之蓋翡翠之一種也

鷓鴣

水鳥人家養之可厭火
災似鷺綠衣馴擾不去

鷓鴣

溪禽也似
鷺而黑色

鳬

水鳥也飛甚速今賈販者以
鳬血點錢欲取利如飛也

鷓鴣

文若繡畫尾有毛如琵琶
撥小于鴨對浮溪谷間

鷓鴣

爾雅鷓鴣春鉏郭璞云白
鷓也頂有長翰如絲

鵜鵒

頤下有袋容二升物展縮由袋其中盛水以養魚一名淘河

鳩

方言謂之鷗

鷺

亦名玄鳥紫胸輕小者為越鷺習斑黑而聲大者為胡鷺

黃鸝

亦謂之倉庚俗呼為黃鸝

竹雞

白蟻聞其聲盡化為水山林中多有之其聲自呼為泥滑滑亦名越鳥選曰越鳥巢南枝

白鷗

似山雞而色白西京雜記曰閩越王以獻漢高帝

山雞

尾長而小可蓄之典中所謂翟山雉也

雉

可充庖厨閩越王嘗以白雉獻漢武帝

鷓鴣

其形似母雞而小有白圓點背間有紫色聽其鳴若云鉤轉格磔開翅之始必先南翥

喜鵲

歲十一月乾鵲始巢及春乃或營巢之戶知避太歲南人喜鵲聲而惡鴝鵒聲故俗號為喜鵲

信鵲

庭類鵲而小能為百禽聲忽鳴而過庭簷間其占為有喜亦名進鳥

鷓

水鳥蒼色方言謂之盧鷓

鷓鴣

似鴝雅曰比翼鳥

鷓鴣

方言謂之孤雞鳴則草衰

鷓

有冠似雞好闢

鷓鴣

方言為扛鼓于小枝間以草為窠尤纖巧又名巧婦

慈鴉

義鳥也能反哺
方言呼為射鳥

郭公

頭尾黑而身
赤一名亦鳥

鵲

鵲禽蒼色翅梢深黑直上千尺乃凝
然不動洞見淵魚擘波而飲攫之

鷹

稟瑤光之精而生蒼黑色亦名鷲鳥以
其勇銳能執搏也七月則取禽以祭天

鷗

蒼褐色似鷗而小
一名隼亦名晨風

鳶

也

鷓鴣

喙嘶而
聲悲

紅娘

丹背翠身
似鸚鵡

白頭公

似雀而大頭有白點

啄木

雌褐而雄斑啄利如錐索蠹木間竟日軒輕其聲剝啄然

鷓鴣

莊子謂田鼠所化淮南子謂蝦蟇化也

舶鴿

似鴿而差小諺謂千鴿不如一鴿言美也編角如笙繫其尾高飛雲端聲似鳴鏑而委蛇善識主人

鵲

詩曰七月鳴鵲方言謂之伯勞

謝豹

狀如鵲以聲名之也舊記以為子規

鵲

今人畜其雛以竹刀剔其舌教之則能言一種白者似鵲而亦有情

呼潮

色蒼似鵠潮至即
鳴風雨弗渝也

雀

一名嘉賓言栖宿人家如賓客也

綵囊

似雞而小頂上有五色囊

雷舞

蒼赤色聞雷聲即舞

鴉

似鵬而小一名梟一名鵩夜飛晝伏又名夜遊女
又名鬼車遇陰晦則飛鳴惡聲鳥也周禮覆天鳥之
巢注謂鵩鵩也
方言謂之訓狐

方言謂之訓狐

水族

鯉魚

垺雅一名鱣鯉無大小其脊中鱗皆三十六鱗有
 黑點子爾雅以之冠篇陶隱居謂為魚王形致可

愛且能
神變

魛魚

數種胡魛青色背上有沙長可四五大鼻如鋸皮可剪為繪縷曝其肉為脩可作方物魛魛鼻長似蛟皮堪飾劍一名錦魛出入魛初生隨母浮遊見大魚乃入母口中須臾復出故曰指頭魛腮兩邊有皮

形似戴帽又有
時魛犬魛之類

鰻魚

似鯉身圓口小骨軟生江海淺澤中吳王論魚以鰻為上

鱸魚

似鰻而有黑子肉白斫膾不腥隋煬帝謂金盞玉膾東南之佳味

鰕魚

口目大而鱗細有黑子味美亦名鰕豚水豚惟狸脚鰕最佳

鰻魚

板身口銳項縮孟浩然果得縮項鰻謂此魚也

白魚

生江中大者六七尺色白頭昂可膾

石首魚

頭中有石如碁子遊齊間覽南海有石首蓋魚之極美者取其石治以為器載飲食如遇蠱毒

器必曝裂土人以製作尤精明瑩如琥珀人但愛玩其色鮮能識其用

比目魚

嶺表錄異記南人謂之泥鞋魚江淮謂之拖沙魚鱗細色紫一眼兩相比乃行

鮒魚

一名鮒魚鱗如淡墨傳金骨軟子飽者佳

鰕魚

板身而銳狀若鰕刀肥腴極佳其子有鰕毒有金點而產厚者謂之黃蠟棹

鰈沙魚

形扁性溫浙人呼為簍魚淮泗謂之鞋底魚以江中者為美

海驚魚

黑色肉翅飛走泥上

鰻魚

似蛇而無鱗口齒尤鉅利色青黃海出者北江鰻差大一名慈鰻亦名徧狗魚

鰻魚

似鰻而細長生水岸泥窟中人云是符苓根所化又以為人髮所化今腹中有子未必盡是化生也

鱧魚

陶隱居謂公蠋蛇所變至難死頗有蛇性諸魚膽苦惟此膽味甘可食為異即俗所謂黑鯉魚者夜

必北向
望斗

烏魚

色黑江海皆有之

鮒魚

板身
多鯁

鯪魚

身狹長有鬚
一名刀魚

時魚

月長一寸至十月盈尺
者佳此魚以不腥為異

子魚

身圓鬣小冬深盈腹皆子者皆作鰾肥美可充方物

黃梅魚

似金鱗魚而小骨少而口朱長可七八寸

銀魚

口尖身銳如銀條作鮮尤美

章鮐魚

色青斑無鱗亦名為馬鮫

訓制魚

兩雅謂之當鮓肥美而多鯁

黃賴魚

一名缺鮓無鱗似鮎而小腮其腮邊有刺能螫人其聲缺鮓然

鮎魚

爾雅謂之鰈大者長尺餘無鱗方言呼為池魚

訓魚

池塘有之亦名甜魚

鯪魚

長可尺餘骨柔而無鱗唐李乘
八閩謂為銀羹謂水母為玉膾

鯢魚

肝及子有毒一名鰻夷河耗或謂之鰻
鮎魚毛以藍煮今過熟則可以無毒

鱮魚

色青
無鱗

魴鰕魚

大如母指
有五色

鰯魚

大如船舟人遇之則鳴金鼓以怖之布米以厭之
則倏然而沒不然則害舟間有斃者必梯而竊之

割其脂以為
油可灰船

魴魚

團扇形色紫尾
長于身能刺人

彈塗魚

大如母指鬚鬚
青壯生泥水中

水母

本草謂之蛇亦謂之乍魚言其隨年乍有乍無也大如覆帽小者如盃腹下如垂絮

石鏡

塊然凝結瑩若水精有足無目憑蝦而行本草名為擣蒲魚

過臘

身潤可大許食蚶蚌

白爵

浮而影伏或六昨或六甲或似紅其甲精光為蟻蛭亦曰白濯

鼈魚

頭軟骨謂之醜食當去之不可與菹菜同食魚池中多畜之令魚不隨露起故陶朱公謂之神守

石拒

一名八帶刺居石穴中人或捕取之以脚粘石拒人故名

章魚

似石拒而極小連江羅源寧德福清諸邑俱有

章舉

似章魚而差大脚短

烏賊 鷄鳥所化能噴墨涸水以自衛性嗜烏每
浮水上伺烏啄其腹卷取而食之故名

柔魚 似烏賊而小色
紫俗呼為鎖管

鰲 足下有二殼厚掩身尾長有刺子如菜豆韓退之詩
鰲實如惠文雌雄常相附雖風濤不解謂之鰲鰲海

人用葦索兩兩編
為一甲以繫焉

蝦 有數種梅蝦梅雨中
有之白蝦生江浦城南有白蝦
浦是也其大者為蝦魁頭殼攢刺可為杯亦名蝦杯

鬚長一二尺大如指上有細芒肉雪白出福清其甜
者為蘆蝦或傳蘆葦所化閩縣長樂近江有之又

蝦姑狀如蜈蚣能
食蝦見開元遺事

蟹 八足二螯大者箱角兩出足
節屈曲行則旁橫故曰旁蟹

蝟蚌

俗呼為蚌扁而大後兩足薄潤謂之撥倅飽膏者曰赤蟹

蠟

銳而膏黃蝟銛利斷截如翦

彭蠡

音滑似蟹而小吳人語訛呼為彭越今海畔有盧禽似之

彭蜺

似蟹而小似彭蠡而大

揭哺子

似彭蜺一螯甚大一螯細一名擁劍亦名柒步

千人擘

狀如小蟹壯者擘之不能開故名

車螯

大者如槃小者如拳沈存中云即本草所謂魁蛤也

蛤蜊

止消渴開胃氣解酒毒以茱萸煮之則其柱易脫

蚌 肉內有珠胎江賦曰
瓊蚌晡曜而瑩珠

蜆 方言謂
之蜆

蛭 生海泥中長可二三
寸大如指而頭開

淡菜 亦謂之
穀菜

烏黏 狀似淡菜而絕小生
石上叢刺取之故名

海月 形圓如月亦謂之蠓鏡土人刮磨
其表以通明者鱗次以蓋天聰

石華 方言謂之石電選曰挂
席拾海月揚帆採石華

石榼 形圓色紫有刺
見人則刺動搖

沙蛤

出長樂殼黑而薄中有沙焉故名俗呼西施舌

石決明

即鰓魚也狀如蛤惟一般無對大如手小者如兩三指海人取其肉取其殼清水洗乳

瓦屋子

嶺表錄異記蛤類南中呼為蚶子亦名瓦屋子以其殼上有稜如瓦壠故名

文蛤

有文理者唐時常充上貢亦名海蛤其殼皆為風濤所洗則自然圓淨

龜脚

以形名均中肉美大者如掌

螺

有數種狀若鸚鵡堪作酒杯者為鸚鵡螺色紫而斑點者為紫背螺俗謂之研螺大如拇指有刺而味辛

如葵者為蓼螺生海中而色紅可為神盃肉可作醬者為紅螺磨令尖平可以酌水其可為鮓者為香螺

牡蠣

海旁皆有之附石而生硯礪相連如房故名蠣房韓退之詩蠣相粘為山謂此晉安石灣為佳莆州

多出荻蘆東沙關嶺一種草鞋蛇生海中大如杯魚者以繩繫腰跣足屏息入水中取之少間振繩乃舉

蟲

蛇

有數種蝮蛇胎化腹裂子生最毒青竹蛇與竹同色小而不可犯花蛇好入人家捕鼠食之惟烏蛇不螫人醫家用之絕大者曰蚺蛇膽可和藥他又有白花白頸黃領之類

鼃

背青綠色方言謂之青護其聲嚶嚶然亦有背作黃文者名金線蛙

鼃

名蝦蟆爾雅曰在水為鼃腹大脊青俗名土鴨其鳴甚壯色黑者呼為蛤子亦名水雞

蟾蜍

爾雅曰似蝦蟆居陸地下濕處身大背黑行遲其腹下有丹書八字者真蟾蜍也抱朴子云蟾蜍萬

歲生角畫地流水

蜜蜂

在巖石間作房色黑在人窠檻中作房甚小而微黃內必有大者身稍長呼為蜂王外有黃蜂土

蜂之類其種不一皆有螫毒

寒蟬

二月鳴者名蟬女音寧似寒蟬而小七月鳴者名蛩音彫察色青九月十月中鳴甚悽急者乃寒

蟬也舊記入秋鳴者名促織曹師建云有數種通名蟋蟀有尾者為雌無尾者為雄雄者能鳴北地寒惟

秋始鳴冬則蟬南地暖往往鳴聲不絕

蛸

詩五月鳴蛸本生土中至夏則登木而蛻秋鳴者為蛸有象鼻蛸紅翠相間好登荔枝木而不能鳴又有

碧玉蛸翠色可愛韻如蛸箏或曰閏年蛸多

蝸

郭璞謂頭有小角莊子所謂戰于蝸角是也南方積雨蝸涎書畫屋壁悉成銀迹

蜥蜴

似蛇而四足尾青碧以五色者為雄而不備者為雌一種喜綠離壁形小而黑名蜥蜴亦名蛇師以

其常在屋壁故名守宮一種形小尾長見人不動名龍子在草澤大者名蜥蜴

蟲

數種皆能啗牛馬血木蟲木大而綠色幾若蜩蟬蜚如蜚蜂黃色蒼蟲大如蠅大抵能治血五月採

腹有血者

蜈蚣

能制蛇莊子稱蜈蚣是也淮南子云蜈蚣治于蜈蚣即此

蝙蝠

一曰飛鼠能噉荔支五百歲變白體重

螟蛉

桑蟲

蜻蛉

一曰絳蛸一曰赤衣使者又曰赤井夫人俗呼青鵝娘

蛛

似促織隱牆壁中
溺人影令生瘡

蜘蛛

空中結網取蚊蠅食
之小者南呼為喜子

螳螂

青色
長臂

蚯蚓

淮南子曰食土
者無心不惠

蜚

俗言謂之石蜚
爾雅曰蜚蜚

蝴蝶

有青色白色
一名野蠶

蒼蠅

蒼色赤首者呼為
蒼蠅歐陽公賦云

白蟻

禮謂之蚍蜉
飛蛾又有黃蛾
雨時化為
出入有序

淳熙三山志卷四十二